

ହିବୁମାନଙ୍କୁ ଲିଖିତ ପତ୍ର ଏବଂ ହତୁକତାଃତେ ଅଲ୍ଲାନନ୍ ଚିଟାଉ ପାରିଟାଏ

ଏବଂ ଚିଟାଉ ମିଆଁଦ୍ ଜୀଉରେ ରାସ୍କା ଏମଃ ଚିଟାଉ ତାନାଃ । ମାରି ନିୟାମ୍ରେୟାଃ ଆୟାରକାଜି ସବେନାଃ ପୁରାକାନ୍ ବିଷାଏ ନେ ଚିଟାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିଟାଉରେ ୭୦ ଏତେ ଆଦକା ମାରି ନିୟାମ୍ରେୟାଃ ଅନଲ୍ରେୟାଃ ମେନାଃ । ଯୀଶୁ ଖ୍ରୀଷ୍ଟ୍ ଚିଲ୍ଲକା ଆୟାରକାଜି ଆତଃ ଯିହୁଦୀ ଯାଜାକ୍‌କଆଃ କାମି ପୁରାକେଦାଏ, ଏନା ନେ ଚିଟାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନକକେ ଜୀଉରେ ରାସ୍କା ଏମଃ ଚିଟାଉ ତାନାଃ । ଏବଂ ଚିଟାଉରେ ନେଲଃଆ ଯେ, ଯୀଶୁ ଚିଲ୍ଲକା ଆନୁରୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିତ୍ତଲାହ ଦାଣେଁ ରାକାବ୍ କା ଲାଗାତିୟଃଆ । ଯୀଶୁ ଖ୍ରୀଷ୍ଟ୍ ହବାଅଃତାନାଏ ସବେନ୍ ପାପ୍ରେୟାଃ ଦାଣେଁ ରାକାବ୍, ନେଆଁ ମିସାତରା ସବେନ୍ ହୁଲାଙ୍ ନାଗେନ୍ତେ ତାନାଃ । ନାହାଁଃ ପାତିୟାରତାନ୍ ଖ୍ରୀଷ୍ଟିୟାନକ ନାଗେନ୍ତେ ଏବଂ ଚିଟାଉରେ ଜୀଉରେ ରାସ୍କା ନେଲଃଆ । ଖ୍ରୀଷ୍ଟ୍ ଏସ୍କାର୍ ଆରୁକେ ପାର୍ମେଶ୍ଵାରତାଃରେ ଆସ୍ତା ଦହ ନାଗେନ୍ତେ ରିକା ଦାଡ଼ିୟାରୁଆ, ଆତଃ ଆୟାଃତାଃରେ ଆସ୍ତା ଦହତାନଲଃ ଅତଙ୍ଗକେଦ୍‌ତେ ସେନ୍ ଦାଡ଼ିୟାରୁ ୧୨:୨ ।

ଏବଂ ଚିଟାଉ ଅକଏ ଅଲ୍ଲାନାଦାଏ ଏନା କା ସାରିୟଃତାନା, ମେନ୍‌ଦ ପାଣ୍ଡିତକ କାଜିୟାଃକ, ହବାସାକାଅଆଃ ପ୍ରେରିତ୍ ପାଉଲ୍ଲୁସ୍, ଲୁକ୍, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍ରେୟାଃ ଦିପିଲି ହଗି କା ସାରିୟଃତାନା, ମେନ୍‌ଦ ପୁରାଃ ହତୁକ ବିଶ୍ଵାସାଃକ, ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୭୦ କରେ ଅଲ୍ଲାନା । ଯୀରୁଶାଲେମ୍ ମାଦିର ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିଟାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏବଂ ଚିଟାଉ ହବାସାକାଅଆଃ ରୋମ୍ ନାଗାରରେ ଅଲ୍ଲାନାନ୍ ତାଇକେନା ୧୩:୨୪,

ଆତ୍ମ ଏବଂ ଏବଂ କାଲିସିୟାରେ ହାଟିଙ୍ଗକାନ୍ ତାଇକେନା ।

ପୁଅ ଭିତରରେ ଅଲକାନ୍ କାଜି

୧. ଯିଶୁ ଖ୍ରୀଷ୍ଟ ନାବୀ ଆତ୍ମ ଦୁର୍ଭକତାଏତେ ହରି ମାରାଙ୍ଗ ତାନିଃ । ୧:୧-୪:୧୩
୨. ଯିଶୁ ଖ୍ରୀଷ୍ଟ ମାରାଙ୍ଗ ଯାଜାକ୍ ତାନିଃ । ୪:୧୪-୭:୨୮
୩. ଯିଶୁଆଃ ସେଞ୍ଜା କାମି ମାରାଙ୍ଗ ତାନାଃ । ୮:୧-୧୦:୩୧
୪. ଯିଶୁଗି ସବେନାଃଏତେ ମାରାଙ୍ଗ ତାନିଃ । ୧୦:୩୨-୧୩:୧୭
୫. ଜୀଉରେ ରାସ୍‌କାନ୍ କାଜି ଏମଃ ଆତ୍ମ ଚୁଣ୍ଡ ଜୁହାର୍ । ୧୩:୧୮-୨୫

ପାରମେଶ୍ୱର ହନ୍ ହରାତେ ପାରମେଶ୍ୱରଆଃ ଏମାକାନ୍ ବାଚାନ୍

^୧ ସିଦା ଦିପିଲିରେ ପାରମେଶ୍ୱର ଚିମିନ୍ ମାହାଁ ଆତ୍ମ ସବେନ୍ ଲେକାତେ ନାବୀକଆଃ ହରାତେ ଆବୁଆଃ ପୁରଖା ହାଡ଼ାମକକେ କାଜିକାଦକଆ ^୨ ମେନ୍ଦ ନେ ଚୁଣ୍ଡ ଦିପିଲିରେ ପାରମେଶ୍ୱର ଆୟାଃ ହନ୍ତେକଡ଼ା ହରାତେ ଆବୁକେ କାଜିକାଦକଆ । ଏନ୍ ହନ୍ତେକଡ଼ା ହରାତେଗି ପାରମେଶ୍ୱର ଅତେଦିଶୁମ୍‌କେ ବାଇକେଦା, ଏନ୍ତେ ଚୁଣ୍ଡରେ ସବେନାଃରେୟାଃ ଆକ୍‌ତେୟାର୍ ହବାଅଃ ନାଗେନ୍ତେ ଇନିଃ ହନ୍ତେକଡ଼ାକେ ସାଲାଇୟା । ^୩ ହନ୍ତେକଡ଼ାତାଃରେ ପାରମେଶ୍ୱରଆଃ ମାନାରାଙ୍ଗରେୟାଃ ଜୁନୁଲ୍ ଝାଲ୍‌ସାଃଅ ତାନା ଆତ୍ମ ପୁରା ପାରମେଶ୍ୱରଆଃ ଲେକାଗି ଆୟାଃ ସଭାବ୍ ମେନାଃ । ଇନିଃ ଆୟାଃ କାଜିରେୟାଃ ପେଡ଼େତେ ଗଟା ଅତେଦିଶୁମ୍‌କେ ଆକ୍‌ତେୟାର୍‌ରେ ତାନା । ଇନିଃ ସବେନ୍ ମାନଖାକଆଃ ପାପକ୍ ଛାମାକେଦ୍‌ତେ, ସିର୍ମାରେ ସାଲାଇଈତାର୍ ପେଡ଼େୟାନ୍ ପାରମେଶ୍ୱରଆଃ ଜମ୍‌ସାଃରେ ଦୁବାକାନା ।

ପାରମେଶ୍ୱରଆଃ ହନ୍ ମାରାଙ୍ଗ ତାନିଃ

^୪ ଇନିଃ ସିର୍ମାରେନ୍ ଦୁର୍ଭକଏତେ ଜେ'ଲେକା ମାରାଙ୍ଗ, ଏନ୍‌ଲେକାଗି ଆୟାଃ ନୁତୁମ୍‌ହଗି ଇନ୍‌କୁଆଃ ନୁତୁମ୍‌ଏତେ ପୁରା ମାରାଙ୍ଗଆଁ,

* ଚିୟାଃଚି ଚିତଲାହଗି ପାରମେଶ୍ୱର ଦୁର୍ଭକକେ କାଏ କାଜି :

“ଆପେ ଆଇୟାଃ ହନ୍,

ତିସିଙ୍କତାଃଏତେ ଆଇଙ୍ଗ ଆପେୟାଃ ଆପୁ ତାନିଙ୍ଗ,”
ପାର୍ମେଶ୍ଵର ଆତଃଗି କାଜିକେଦା,
“ଆଇଙ୍ଗ ଇନିୟାଃ ଆପୁ ତାନିଙ୍ଗ

ଆତଃ ଇନିଃ ଆଇୟାଃ ହନ୍ ତାନିଃ ।”

୨୧ ମେନ୍ଦ ପାର୍ମେଶ୍ଵର ଆୟାଃ ମୁଡ଼କୁଲ୍ ହନ୍କେ ନେ
ଅତେଦିଶ୍ଵମତେ କୁଲ୍‌କିୟା ଇମ୍‌ତା ନେ'ଲେକାଏ କାଜିକାଦ୍
ତାଇକେନା,

“ପାର୍ମେଶ୍ଵରଆଃ ସବେନ୍ ଦୁଁଡ଼କ ଇନିଃକେକ ଜହାରରିୟା ।”

୨୨ ମେନ୍ଦ ସିର୍ମାରେନ୍ ଦୁଁଡ଼କଆଃ ବିଷାଏରେ ପାର୍ମେଶ୍ଵର
ନେ କାଜି କାଜିକାଦା;

“ପାର୍ମେଶ୍ଵର ଆୟାଃ ଦୁଁଡ଼କକେ ଆମ୍‌ ଲେକା

ଆତଃ ଆଇଃକକେ ସେଝାତାନ୍ ଦାସିକକେ ଜୁଲ୍‌ତାନ୍
ସେଙ୍ଗେଲ୍ ଲେକାଏ ବାଇୟାକାଦକଆ ।”

୨୩ ଆୟାଃ ହତ୍ରେକଡାରାଃ ବିଷାଏରେ କାଜିକେଦା,

“ହେ ପାର୍ମେଶ୍ଵର, ଆମାଃ ରାଜଗାଦି ଜାନାଅ ଜାନାଅ ମେନାଃ !

ଆମ୍ ନ୍ୟାୟ ବିଚାରତେ ଆମାଃ ହତ୍ରେକକେମ୍ ଚାଲାଅକ ତାନା
। ୯ ଆମ୍ ଧାର୍ମାନ୍‌କେ ଦୁଲ୍‌ତାଃମେ ଆତଃ ଏଡ଼କନାଃକେ
ହିଲ୍‌ଙ୍‌ଆଃମେ । ଏନାମେନ୍ତେ ପାର୍ମେଶ୍ଵର, ଆମାଃ
ପାର୍ମେଶ୍ଵର ଆମ୍‌କେ ଆମାଃ ଗାତିକଏତେ ଆଦକା
ପୁରାଃଗି ରାସକାଅଃ ଲେକା, ଆମ୍‌କେ ସୁନ୍‌ମତେ
ଆଭିଷେକ୍* କାଦମେୟା ।”

୨୪ ଇନିଃ ଆତଃଗି କାଜିକାଦମେୟା,

“ହେ ପ୍ରାଭୁ, ଆମ୍ ଏନେଟେଦ୍‌ରେ ଅତେରେୟାଃ ନିହିଁ ଗାତାମ୍
ବାଇକେଦା

ଆତଃ ଆମାଃ ତିଃଇତେଗି ସିର୍ମାମ୍ ବାଇକେଦା ।

୨୫ ଏନା ସବେନାଃ ମୁସିଙ୍ଗ୍ ହୁଲ୍‌ଙ୍ଗ୍ ଜିୟନଃଆ । ମେନ୍ଦ ଆମ୍
ଜାନାଅଗିମ୍ ତାଇନା,

ଆତଃ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।

୨୬ ଲିଜାଃ କୁଡ଼ାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା
ଆତଃ ଲିଜାଃ ବାଦଲ୍‌ଅତାନ୍ ଲେକାଗିମ୍ ବାଦଲ୍‌ଅଏୟା ।

* ୧:୯ ୧:୯ ବହଃରେ ସୁନ୍‌ମ୍ ଦୁଲ୍‌କେଦ୍‌ତେ ସାଲା

ମେନ୍ଦ ଆମ୍ ତିଉଲ୍ୟାଅ କାମ୍ ବାଦଲ୍ୟାଅଥା

ଆତଃ ଆମାଃ ଜୀଞ୍ଜାନ୍ ତିଉଲ୍ୟାଅ କା ଚୁଣ୍ଡୁଆ ।”

୧୩ “ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍ ଆମ୍ ଆଇଁୟାଃ ଜମ୍‌ସାଃରେ ଦୁବାକାନ୍‌ମେ” ମେନ୍ତେ ପାର୍‌ମେଶ୍ୱାର୍ ଆୟାଃ ଦୁଁଡକଏତେ ଜେତାଏକେ ତିଉଲ୍ୟାଅ କାଏ କାଜିକାଦକଆ ।

୧୪ ତାବ୍‌ଦ, ସିର୍ମାରେନ୍ ଦୁଁଡକ ଅକଏତାନ୍‌କ ? ଇନ୍‌କୁ ହବାଅଃତାନାକ ପାର୍‌ମେଶ୍ୱାର୍‌କେ ସେଞ୍ଜାତାନ୍ ଆମ୍‌କ ଆତଃ ଜୀଉବାଞ୍ଚାଅ ନାମାକାଦ୍ ହଡକକେ ଦେଙ୍ଗା ନାଗେନ୍ତେ ପାର୍‌ମେଶ୍ୱାର୍‌ତେ କୁଲ୍ୟାକାନ୍ ଆମ୍‌କ ।

୨

ପୁରାଃ ମାରାଙ୍ଗ୍ ପାରିତ୍ରାଣ

୧ ଆବୁ ସାନାର୍‌ତିହେତେ ଆଲକାରୁ ହିଗାଡ଼ଃକା ମେନ୍ତେ ଆବୁ ଆୟୁମାକାଦ୍ ସାନାର୍‌ତି କାଜିରେ ପୁରାଃ ପକ୍‌ତାକେଦ୍‌ତେ ତାଇନ୍ ଲାଗାତିଙ୍ଗ୍‌ୟାଃ । ୨ ଆବୁଆଃ ପୁରୁଖା ହାଡ଼ାମ୍‌କକେ ସିର୍ମାରେନ୍ ଦୁଁଡକ ଅକନ୍ କାଜି ଏମାକାଦକଆକ, ଏନା ସାର୍‌ତି ମେନ୍ତେ ଉଦୁବାକାନା, ଅକନ୍‌କ ଏନାକେ କାକ ଅତଙ୍ଗ୍‌କେଦା ଆତଃ କାକ ମାନାତିଙ୍ଗ୍‌କେଦା ଇନ୍‌କୁ ସବେନ୍‌କ ସାଜାଇକ ନାମେଗିୟା । ୩ ତାବ୍‌ଦ, ନେ'ଲେକାନ୍ ପୁରାଃ ମାରାଙ୍ଗ୍ ଜୀଉବାଞ୍ଚାଅକେ ଦୟାକୁଣ୍ଡାମ୍‌ଲେରେ ଆବୁ ଚିଲ୍‌କାତେ ବାଞ୍ଚାଅବୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ ଆଇଃକ୍‌ଗି ସିଦାତେ ଉଦୁବ୍‌କାଦା, ଆତଃ ଇନିଃତାଃଏତେ ଆୟୁମ୍‌କାଦ୍ ହଡକ ଏନାରେୟାଃ ସାନାର୍‌ତିକେ ଆବୁତାଃରେକ ଉଦୁବ୍‌କାଦା । ୪ ଆତଃଗି, ପାର୍‌ମେଶ୍ୱାର୍ ସବେନ୍ ରାକାମରେୟାଃ ଚିଙ୍ଗା, ଆକ୍‌ଦାନ୍‌ଆ କାମି ଆତଃ ପେଡେୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାର୍‌ତି ତାନାଃ ମେନ୍ତେ ଗାଞ୍ଜା ଏମାକାଦାଏ ଆତଃ ଆୟାଃ ସାନାଙ୍ଗ୍‌ଲେକାତେ ପାବିତାର୍ ଆମ୍‌ରେୟାଃ ବାର୍‌ଦାନ୍ ଏମାକାଦାଏ ।

ପାରିତ୍ରାଣ ହରାତେ ଇଦିନିଃ ଶ୍ରୀଷ୍ଟ ତାନିଃ

୫ ପାର୍‌ମେଶ୍ୱାର୍ ଅକନ୍ ନାଞ୍ଜା ଅତେଦିଶୁମ୍ ବାଇୟାଏ ଆତଃ ଆଲେ ଅକନ୍ ଅତେଦିଶୁମ୍‌ରେୟାଃ କାଜିଲେ କାଜିତାନା, ଏନାକେ

ରାଇଜେ ନାଗେନ୍ତେ ଦୁଁଡ଼କକେ କାଏ ସାଲାକାଦକଆ । ^୬ ମେନ୍ଦ ଦ
ଧାରାମ୍ପୁଥିରେ ଅଲାକାନା,

“ହେ ପାରମେଶ୍ୱାର୍, ମାନଝାହନ୍ ଅକଏ ତାନିଃ,
ଆମ୍ ଜନିୟାଃ ନାଗେନ୍ତେମ୍ ଉଡ଼ୁଡ଼ାନା ଆଡ଼ଃ ଜନିୟାଃ
ଜାତାନ୍ ଜଦିତାନାମ୍ ?

^୭ ଆମ୍ ମାନଝାକେ ଦୁଁଡ଼କତାଃଏତେ କାଟିଃଲେକାମ୍ ହୁଡ଼ିଙ୍ଗକିୟା ।
ଆମ୍ ଜନିଃକେ ମାଇନ୍ ଆଡ଼ଃ ମାନାରାଙ୍ଗ୍ରେୟାଃ ଚୁପୁରିମ୍
ଡୁସିଙ୍ଗକିୟା ।

୮ ଆଡ଼ଃ ସବେନାଃ ରାଇଜେ ନାଗେନ୍ତେ ଆକ୍ତେୟାର୍
ଏମ୍କିୟାମ୍ ।”

“ସବେନ୍ ବିଷାଏ” ମେନ୍ଲେରେ, ଜେଡ଼ନାଃକେ କା ବାଗିକେଦ୍ତେ
ସବେନ୍ ବିଷାଏତେୟାଃରେ ଆକ୍ତେୟାର୍ ଏମାକାଦାଏ ।
ନେଆଁତେ ପୁରା ଆଟ୍‌କାରଃ ତାନା, ସବେନ୍ ବିଷାଏ ଜନିୟାଃ
ଆକ୍ତେୟାର୍ରେଗି ମେନାଃ । ଆରୁ ସାର୍ତିଗିବୁ ସାରିତାନା, ନାହାଁଃ
ସବେନାଃରେ ମାନଝା କାଏ ରାଇଜେ ତାନା । ^୯ ମେନ୍ଦ ଆରୁ
ନେଲେତାନାରୁ, ଚିଲ୍‌କା ଯାଶୁ ଘାଡ଼ିକାଦ୍ ନାଗେନ୍ତେ ସିମ୍‌ରେନ୍
ଦୁଁଡ଼କତାଃଏତେ କାଟିଃଲେକାଏ ହୁଡ଼ିଙ୍ଗକିୟାକାନ୍ ତାଇକେନା,
ଜେଲେକା ପାରମେଶ୍ୱାର୍‌ଆଃ ସାୟାଦ୍ରେ ମିମିୟାଦ୍ ସବେନ୍
ହଡ଼କ ନାଗେନ୍ତେ ଜନିଃ ଗନଏଃ ଚାଖାଅକାଦାଏ । ଆରୁ ଆୟାଃ
ଗନଏଃରେୟାଃ ଦୁକୁ ହରାତେ ମାଇନ୍ ଆଡ଼ଃ ମାନାରାଙ୍ଗ୍ରେୟାଃ
ଚୁପୁରି ଡୁସିଙ୍ଗକାନ୍‌ରୁ ନେଲ୍‌କିୟା । ^{୧୦} ସବେନ୍‌କଆଃ ବାବାଜନିଃ
ଆଡ଼ଃ ବାଞ୍ଚାଅନିଃ, ପାରମେଶ୍ୱାର୍ ତାନିଃ । ଜନିଃ ଆୟାଃ ପୁରାଃ
ହନ୍‌କକେ ଯାଶୁଆଃ ମାନାରାଙ୍ଗ୍ରେ ହିସା ଏମାକ ନାଗେନ୍ତେ, ଗନଏଃ
ହରାଲଃ ଯାଶୁକେ ପକ୍ତାକେଦ୍ତେ ପୁରାଃ ବୁଗିନ୍ କାମି କାମିକାଦା
। ଚିୟାଃଚି ଯାଶୁଗି ଜୀଉବାଞ୍ଚାଅ ହରାତେ ଜନ୍‌କୁକେ ସୁଡ଼ଃଜଦିକଆ
।

^{୧୧} ଜନିଃ ହଡ଼କକେ ପାପ୍‌ହେତେ ଫାର୍‌ବିକଆ । ଆଡ଼ଃ ଆୟାଃ
ଏନ୍ତେ ଆୟାଃତେ ପାବିତାର୍‌କାନ୍ ହଡ଼କଆଃ ଆପୁ ମିଆଁଦ୍ ତାନିଃ ।
ଏନାମେନ୍ତେ ଯାଶୁ ଜନ୍‌କୁକେ ହାଗା ମିଗି ମେନ୍ତେ ହାକାଅ ନାଙ୍ଗ୍ କାଏ
ଗିହୁଗାଃ । ^{୧୨} ଜନିଃ ପାରମେଶ୍ୱାର୍‌କେ କାଜିକିୟା,

“ଆଇଙ୍ଗ୍ ଆମାଃ ନୁତୁମ୍ ଆତଃ ସବେନ୍ କାମି ଆଇଁୟାଃ ହାଗା
ମିଗିକକେଇଙ୍ଗ୍ ଉଦୁବ୍‌କଆ ।

ଆଇଙ୍ଗ୍ ଇନ୍‌କୁ ହୁଣ୍ଡିକାନ୍ ଆଲାରେ ଆମାଃ ମାନାରାଙ୍ଗ୍
ଦୁରାଙ୍ଗ୍‌ୟେଇଙ୍ଗ୍ ।”

^{୧୩} ଇନିଃ ନେୟାହଗି କାଜିକାଦାଏ, “ଆଇଙ୍ଗ୍ ପାର୍‌ମେଶ୍‌ବାର୍‌ତାଃରେ
ଆଇଁୟାଃ ବିଶ୍ୱାସାଇଙ୍ଗ୍ ଦହେୟା” ଆତଃ “ପାର୍‌ମେଶ୍‌ବାର୍ ଆଇଙ୍ଗ୍‌କେ
ଅକନ୍ ହନ୍‌କକେ ଏମାକାଦିୟା, ଇନ୍‌କୁ ଆଇଁୟାଃଲଃ ମେନାକଆ ।”

^{୧୪} ଇନିଃ ଅକନ୍‌କକେ ହନ୍‌କ ମେନ୍ତେ କାଜିତାନା, ଇନ୍‌କୁ ମାୟୋମ୍
ମାସ୍ ହତ୍‌ମ୍ ଲେକାନ୍ ହତ୍‌କ ହବାକାନ୍ ହରାତେ ଯୀଶୁହ୍ ଆଇଃକ୍‌ଗି
ଇନ୍‌କୁଆଃ ଲେକା ମାନଝା ହତ୍‌ମ୍ ଆତଃ ସଭାବରେ ମେସାୟାନା ।
ଇନିଃ ନେୟା କାଜିକେଦ୍‌ରେୟାଃ ମୁଣ୍ଡି ହବାଅଃତାନା, ଇନିଃ ଆୟାଃ
ଗନଏଃ ହରାତେ ସାଏତାନ୍‌କେ ଜିୟନିଆ, ଚିୟାଃଚି ଗନଏଃରେ
ସାଏତାନ୍‌ଆଃ ପେଡେଃ ତାଇକେନା । ^{୧୫} ନେଆଁ ହରାତେ ଗଟା
ଜୀଦାନ୍ ଗନଏଃ ବର ଲେକାନ୍ ଦାସିରେୟାଃ ତନଲ୍‌ରେ ତାଇନ୍‌ତାନ୍
ହତ୍‌କକେ ଇନିଃ ରାଡ଼ାକାଦ୍‌କଆଏ । ^{୧୬} ନେଆଁତେ ପୁରା ଆଟ୍‌କାରଃ
ତାନା, ଇନିଃ ସିର୍ମାରେନ୍ ଦୁଢ଼କକେ କାଏ ଦେଙ୍ଗାଃ, ମେନ୍‌ଦ ଇନିଃ
ଆରାହାମ୍‌ଆଃ କିଲିକକେ ଦେଙ୍ଗାଃଏ । ^{୧୭} ଏନାମେନ୍ତେ, ସବେନ୍
ବିଷାଏରେ ଆୟାଃ ହାଗା ମିଗିକ ଲେକା ହବାଃଅତେୟାଃ ଆୟାଃ
ଲାଗାତିଙ୍ଗ୍ ତାଇକେନା, ଏନା ହରାତେ ଇନିଃ ଇନ୍‌କୁଆଃ ପାତିୟାରଃ
ଲେକାନ୍ ଆତଃ ଦାୟା ଏମାଃ ମାରାଙ୍ଗ୍ ଯାଜାକ୍ ହବାକେଦ୍‌ତେ
ପାର୍‌ମେଶ୍‌ବାର୍‌ଆଃ ସେଝା ରିକା ଦାଡ଼ିୟାଏ ଆତଃ ହତ୍‌କ ପାପ୍
ଛାମାକ ନାମ୍ ଦାଡ଼ିୟା । ^{୧୮} ଇନିଃ ଆଇଃକ୍‌ଗି ବିନିଡ଼ାଅରେ
ଉୟାଃକେଦ୍‌ତେ ଦୁକୁ ନାମ୍‌କେଦ୍ ହରାତେ, ଇନିଃ ବିନିଡ଼ାଅରେ
ଉୟାଃଗାକାନ୍ ହତ୍‌କକେ ଦେଙ୍ଗା ଦାଡ଼ିୟା ।

୩

ୟୀଶୁ ମୁଶାଏତେ ମାରାଙ୍ଗ୍

^୧ ହେ ଖ୍ରୀଷ୍ଟରେ ପାତିୟାର୍‌ରଃ ଲେକାନ୍ ପାବିତାର୍ ହାଗା ମିଗିକ,
ଆପେୟଗି ପାର୍‌ମେଶ୍‌ବାର୍‌ତେ କେଡ଼ାକାନ୍‌କଆଃ ହିସାରେନ୍ ହତ୍‌କ
ତାନ୍‌ପେ ! ଆପେ ଯୀଶୁଆଃ ବିଷାଏରେ ଉଡ଼ଃଏପେ, ଇନିଃ ଆରୁଆଃ

ଧାରାମ୍ ବିଶ୍ୱାସରେୟାଃ ମାରାଙ୍ଗ୍ ଯାଜାକ୍ ହବାଃଅ ନାଗେନ୍ତେ ପାରମେଶ୍ୱାର୍ଥାଃ ହରାତେ କୁଲକାନା । ^୨ ମୁଗା ପାରମେଶ୍ୱାର୍ଥାଃ ଅଡ଼ାଃରେ ପାତିୟାର୍ତ୍ତଃ ଲେକାଏ କାମିକେଦା, ଏନ୍ଲେକାଗି, ପାରମେଶ୍ୱାର୍ଥାଃ ସାଲକାନ୍ ଯୀଶୁ ନେ କାମି ନାଗେନ୍ତେ ପାରମେଶ୍ୱାର୍ଥାଃ ନାଙ୍ଗ୍ ପାତିୟାର୍ତ୍ତଃ ଲେକାଏ କାମିକେଦା । ^୩ ଅଡ଼ାଃଏତେ ଅଡ଼ାଃ ବାବାଇନିଃକେ ପୁରାଃ ମାଇନ୍ ଏମଃଆ । ଏନ୍ଲେକାଗି ମୁଗାଏତେ ଯୀଶୁ ପୁରାଃଗି ମାଇନ୍ ନାମେ ଲେକାଏ ହବାକାନା । ^୪ ସବେନ୍ ଅଡ଼ାଃକେ ଜେତାଏ ମିହୁଡ୍ ବାଇୟାକାଦାଏ, ମେନ୍ଦ ପାରମେଶ୍ୱାର୍ ସବେନାଃରେୟାଃ ବାବାଇନିଃ ତାନିଃ । ^୫ ଦାସି ଲେକା ମୁଗା ପାରମେଶ୍ୱାର୍ଥାଃ ଅଡ଼ାଃରେ ପାତିୟାର୍ତ୍ତଃ ଲେକାଏ କାମିକେଦା ଆଡ଼ା ଆୟାଃ କାମି ପାରମେଶ୍ୱାର୍ ହିନ୍ଦୁଃ ଦିପିଲିରେ ଉଦୁବ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା । ^୬ ମେନ୍ଦ ପାରମେଶ୍ୱାର୍ଥାଃ ଅଡ଼ାଃରେ ଶ୍ରୀଷ୍ଟୁଦ୍ ହନ୍ ଲେକା ପାତିୟାର୍ତ୍ତଃ ଲେକାନ୍ ଗୁସିୟାଁ ତାନିଃ । ଆବୁ ଜୀଉରେ କେଟେଦକେଦତେ ଆସ୍ରାକାଦ୍ତେୟାଃ ନାମେୟାଁବୁ ମେନ୍ତେ ପୁରା ପକ୍ତାକେଦ୍ତେବୁ ତାଇନଃରେଦ୍, ଆବୁ ଆୟାଃ ଅଡ଼ାଃ ତାନବୁ ।

ପାରମେଶ୍ୱାର୍ଥାଃ ହଡ଼କ ନାଗେନ୍ତେ ରୁଡ଼ନୁ

- ^୭ ଏନାତେ ପାବିତାର୍ ଆମ୍ ନେ'ଲେକାଏ କାଜିୟା,
 “ତିସିଙ୍ଗ୍ ଆପେ ପାରମେଶ୍ୱାର୍ଥାଃ କାଜିପେ ଆୟୁମେରେଦ୍,
 ᳚ ଆପେୟାଃ ପୁରୁଖା ହାଡ଼ାମ୍‌କାଆଃ ଲେକା ମନ୍‌ସୁରୁଦ୍‌କେ
 ଆଲପେ କେଟେଜେୟା ।
 ଇନ୍‌କୁ ଏନ୍ ହୁଲାଇଁ ବିରରେ ପାରମେଶ୍ୱାର୍‌କେକ ବିଡ଼ାଅକିୟା
 ଆଡ଼ା ଆୟାଃ ବିରୁଧ୍‌ରେ ଏପେରାଙ୍‌କେନାକ ।
- ^୯ ପାରମେଶ୍ୱାର୍ କାଜିୟାଃଏ, ଏନ୍ ବିରରେ ଆପେୟାଃ ପୁରୁଖା
 ହାଡ଼ାମ୍‌କା ଆଇଁୟାଃ ପେଡ଼େଃ ଆଡ଼ା ଧ୍‌ରାଜ୍‌ତାଇୟାଃକେକ
 ବିଡ଼ାଅକେଦା,
 ଆଡ଼ା ବାର୍ ହିସି ବାରାଷ୍ ଜାକେଦ୍ ଆଇଙ୍ଗ୍
 କାମିକେଦ୍‌ତେୟାଃକ ନେଲ୍‌କେଦା ।
- ^{୧୦} ଏନାତେ ଆଇଙ୍ଗ୍ ଇନ୍‌କୁଆଃ ଚେତାନ୍‌ରେ ଖ୍‌ସ୍‌କେଦ୍‌ତେ
 କାଜିକେଦାଇଙ୍ଗ୍,

‘ଇନ୍ଦ୍ରୁଆଃ ମନ୍ସୁରୁଦ୍ ସବେନ୍ ଇମ୍ତା ଏତ୍‌କାନ୍ ହରାତେ
ସେନଃତାନା, ଆତଃ ଆଇଁୟାଃ ହରା କାକ ସାରିୟାଃ,
ଆତଃ ଆଇଁୟାଃ ଆନାରୁ ମାନାତିଙ୍ଗ୍ ନାଗେନ୍ତେ କା ସାନାଙ୍ଗ୍‌ତାନ୍
ହତ୍‌କ ତାନ୍‌କ ।’

୧୧ ଆଇଙ୍ଗ୍ ଖୁସ୍‌ତେ କିରିୟାକେଦାଇଙ୍ଗ୍ :

ଆଇଙ୍ଗ୍ ଇନ୍ଦ୍ରୁକେ ଅକନ୍ ଦିଶୁମ୍‌ରେ ରୁଡ୍‌ନୁ ନାଗେନ୍ତେଇଙ୍ଗ୍
ଏମାକାକତେୟାଃ, ଇନ୍ଦ୍ରୁ ଏନ୍ ଦିଶୁମ୍‌ତେ ଜେତାଲେକାତେ
କାକ ବଲ ଦାଡ଼ିୟା ।”

୧୨ ହେ ବିଶ୍ୱାସୀ ହାଗା ମିଶିକ, ଚିର୍ଗାଲାକାନ୍‌ପେ, ଆପେକଏତେ
ଜେତାଏୟାଃ ମନ୍ସୁରୁଦ୍ ପାପ୍‌ରେ ଆତଃ କା ବିଶ୍ୱାସ୍‌ରେ
ପେରେଃକେଦ୍‌ତେ ଜୀନିଦ୍ ପାର୍‌ମେଶ୍ୱାର୍‌ତାଃଏତେ ଆଲକା
ସାଙ୍ଗିନଃକା । ୧୩ ମେନ୍‌ଦ, ଆପେକଏତେ ଜେତାଏ ପାପ୍‌ରେ
ବେଦାକେଦ୍‌ତେ କେଟେଦ୍ ମନ୍ସୁରୁଦ୍ ଆଲକାଏ ହବାଅଃକା,
ଏନାମେନ୍ତେ ମିହୁଡ୍ ଆତଃମିହୁଡ୍‌କେ ସବେନ୍ ହୁଲାଙ୍ଗ୍ ଜୀତ୍‌ରେ
ରାସ୍‌କା ଏମ୍‌କେଦ୍‌ତେ ଦେଙ୍ଗାଈକାଏ । ଆତଃ ଧାରାମ୍ ପୁଥ୍‌ରେ
“ତିସିଙ୍ଗ୍” ମେନ୍ତେ ଅଲକାନ୍ ଲାବ୍‌ଜା ଆବୁ ନାଗେନ୍ତେ ଲାଗାତିଙ୍ଗ୍
ହବାଅଃ ଜାକେଦ୍ ଏନା କାମିକାଦ୍‌ତେପେ । ୧୪ ଚିୟାଃଚି ଆବୁ ଚୁଣ୍ଡୁ
ଜାକେଦ୍ ଆବୁଆଃ ଏନେଟେଦ୍ ବିଶ୍ୱାସ୍‌ରେ କେଟେଦ୍‌କେଦ୍‌ତେବୁ
ତାଇନଃରେଦ୍, ଆବୁ ସବେନ୍‌କ ଖ୍ରୀଷ୍ଟ୍‌ଆଃ ହିସାରେବୁ ତାଇନ୍
ଦାଡ଼ିୟାଆ ।

୧୫ ଧାରାମ୍ ପୁଥ୍‌ରେ ଅଲକାନା,

“ତିସିଙ୍ଗ୍ ଆପେ ପାର୍‌ମେଶ୍ୱାର୍‌ଆଃ ବାଚାନ୍‌ପେ ଆୟୁମେରେଦ୍,
ଆପେୟାଃ ପୁରଂଗା ହାଡ଼ାମକଆଃ ମନ୍ସୁରୁଦ୍
କେଟେଦ୍‌କେଦ୍‌ତେ ପାର୍‌ମେଶ୍ୱାର୍‌ଆଃ ବିରୁଧ୍‌ରେ
ଏପ୍‌ରାଙ୍ଗ୍‌କେନାକ,

ଏନ୍‌ଲେକା ଆପେ ଆଲ୍‌ପେ ରିକାୟା ।”

୧୬ ପାର୍‌ମେଶ୍ୱାର୍‌ଆଃ ବାଚାନ୍ ଆୟୁମକେଦ୍‌ରେୟ ଅକନ୍‌କ
ପାର୍‌ମେଶ୍ୱାର୍‌ଆଃ ବିରୁଧ୍‌ରେ ଏପ୍‌ରାଙ୍ଗ୍‌କେନାକ, ଇନ୍ଦ୍ରୁ ଅକନ୍‌କ
ତାନ୍‌କ ? ମୁଣା ନାବୀ ମିସାର୍ ଦିଶୁମ୍‌ଏତେ ସୁଡୁଃ ଆଉକାଦକ
ତାଇକେନାଏ, ଇନ୍ଦ୍ରୁ ଚିନାଃ ନାହାଁଲାକଚି ? ୧୭ ବାର୍‌ହିସି ବାରାଷ୍
ଜାକେଦ୍ ଅକନ୍ ପାର୍‌ମେଶ୍ୱାର୍ ଖୁସ୍‌କାନ୍ ତାଇକେନାଏ, ଇନ୍ଦ୍ରୁ

ଅକନ୍ଦକ ତାନ୍ଦକ ? ପାପକାମିକେଦ୍ ହରାତେ ଗଏଃୟାନ୍ଦକ ଆତଃ
 ବିରରେ ଉୟୁଗାକାନ୍ ତାଇକେନାକ, ଇନ୍ଦକୁ ତିନାଃ ନାହାଁଲାକତି
 ? ୧୮ ପାର୍ମେଶ୍ଵାର୍ କିରିୟାକେଦ୍ତେ ବାନାର୍ସାକାଦ୍ ତାଇକେନା,
 ଇନ୍ଦକୁ ଆୟାଃ ବାନାର୍ସା ଏମାକାଦ୍ ରୁଡ୍ଡନ୍ନୁରେୟାଃ ଦିଶୁମ୍ରେ
 ତିତ୍ତଲାଅ କାକ ବଲଦାଡ୍ଡିୟା, ଇମତା ଇନିଃ ଅକନ୍ଦକଆଃ ବିଷାଏରେ
 କାଜିକାଦ୍ ତାଇକେନା ? ଅକନ୍ଦକ ଏପରାଙ୍ଗକେନାକ ଇନ୍ଦକୁଆଃ
 ବିଷାଏରେ ଏନା କାଜିକାଦ୍ ତାଇକେନା । ୧୯ ତାବ୍ଦ, ଆବୁ
 ନେଲେତାନାରୁ, ଇନ୍ଦକୁ ଆକଆଃ କା ବିଶ୍ଵାସ୍ ହରାତେ ପାର୍ମେଶ୍ଵାର୍
 ବାନାର୍ସାକାଦ୍ ରୁଡ୍ଡନ୍ନୁରେୟାଃ ଦିଶୁମ୍ କିନାନ୍ରେ କାକ ବଲ
 ଦାଡ୍ଡିୟାନା ।

୪

୧ ଆବୁକେ ଅକନ୍ଦ ରୁଡ୍ଡନ୍ନୁ ଏମଃଆ ମେନ୍ତେ ପାର୍ମେଶ୍ଵାର୍ କାଜିକାଦ୍
 ତାଇକେନାଏ, ଏନା ଆବୁ ନାମ୍ ଦାଡ୍ଡିୟାରୁ ମେନ୍ତେ ପାର୍ମେଶ୍ଵାର୍
 ବାନାର୍ସା ଏମାକାଦାଏ । ଏନ୍ଦ ବାନାର୍ସା ଏମାକାନ୍ ରୁଡ୍ଡନ୍ନୁଏତେ
 ଜେ'ଲେକା ଜେତାଏ ଆଲକାକ ବାଗିୟଃକା, ଏନାମେନ୍ତେ
 ତିର୍ଗାଲାକାନ୍ ତାଇନ୍ଦପେ । ୨ ତିୟାଃତି ଇନ୍ଦକୁଆଃ ଲେକା ଆବୁହଗି
 ସୁକୁକାଜିରୁ ଆୟୁମ୍କାଦା । ଇନ୍ଦକୁ ଏନାକେ ଆୟୁମ୍କେଦ୍ ରେୟ
 ପାତିୟାର୍ତ୍ତେ କାକ ତେଲାକେଦା । ଏନାମେନ୍ତେ ଇନ୍ଦକୁଆଃ ନାଙ୍ଗ୍
 ରୁଗିନାଃ ଲେକା କା ହବାୟାନା । ୩ ମେନ୍ଦ୍ଦ ଆବୁକଏତେ ଅକନ୍ଦକ
 ବିଶ୍ଵାସେୟା, ଇନ୍ଦକୁଗି ପାର୍ମେଶ୍ଵାର୍ ଏମାକାଦ୍ ବାନାର୍ସା ଲେକାତେ
 ରୁଡ୍ଡନ୍ନୁକ ନାମେୟା, ତିୟାଃତି ପାର୍ମେଶ୍ଵାର୍ କାଜିକାଦାଏ,

“ଆଇଙ୍ଗ୍ ଖ୍ଵକେଦ୍ତେ କିରିୟାକେଦାଇଙ୍ଗ୍,

“ଆଇଙ୍ଗ୍ ରୁଡ୍ଡନ୍ନୁ ଏମାକ ଦିଶୁମ୍ରେ ଇନ୍ଦକୁ ତିତ୍ତଲାଅ କାକ
 ବଲଆ ।”

ନେ ରୁଡ୍ଡନ୍ନୁତେୟାଃ ଅତେଦିଶୁମ୍ରେୟାଃ ମୁନ୍ଦୁଏତେ ପାର୍ମେଶ୍ଵାର୍ଆଃ
 କାମି ପୁରାକାନ୍ରେୟ ପାର୍ମେଶ୍ଵାର୍ ନେ କାଜି କାଜିକାଦ୍ ତାଇକେନା
 । ୪ ଧାରାମ୍ପୁଅରେ ଅଲକାନା, “ଏୟା ହୁଲାଙ୍ଗ୍” ବିଷାଏରେ,
 ନେ'ଲେକା ଅଲକାନା, “ପାର୍ମେଶ୍ଵାର୍ ଆୟାଃ ସବେନ୍ଦ୍ କାମି
 ଚାବାକେଦ୍ତେ ଏୟା ହୁଲାଙ୍ଗ୍ରେ ରୁଡ୍ଡନ୍ନୁୟାନା ।” ୫ ଆତଃ ନେ
 ବିଷାଏରେ ଏଟାଃତାଃରେ ଆତଃଗି ଅଲକାନା, ପାର୍ମେଶ୍ଵାର୍

କାଜିକେଦାଏ, “ଆଇଙ୍ଗ୍ ରୁଡ଼ନ୍ତୁ ଏମାକ ଦିଶୁମ୍ରେ ଇନ୍କୁ ଚିତ୍ତଲାଅ କାକ ବଲ ଦାଡ଼ିୟା । ^୭ ଅକନ୍କ ସିଦାତେ ସୁକୁକାଜି ଆୟୁମାକାଦ୍ ତାଇକେନାକ, ଇନ୍କୁ ଆକଆଃ କା ପାଡ଼ିୟାର୍ ହରାତେ ପାର୍ମେଶ୍ୱାର୍ଆଃ ଏନ୍ ରୁଡ଼ନ୍ତୁ କାକ ନାମ୍ ଦାଡ଼ିକେଦା । ନାହାଁଃ ଏଟାଃ ହଡ଼କ ଏନ୍ ରୁଡ଼ନ୍ତୁ ନାମେ ନାଗେନ୍ତେ ସୁୟୋଗ୍ କ ନାମେତାନା, ^୭ ଚିୟାଃଚି ଇନ୍କୁଆଃ ନାଗେନ୍ତେ ପାର୍ମେଶ୍ୱାର୍ ଏଟାଃ ମିଆଁଦ୍ ହୁଲାଙ୍ଗ୍ କେ ସାଲାକାଦା ଆଡ଼ଃ ଏନା ହାବାଅଃତାନା ‘ତିସିଙ୍ଗ୍’ । ନେଆଁକେ ପୁରାଃ ଦିପିଲି ସିଦାରେ ପାର୍ମେଶ୍ୱାର୍, ଦାଉଦ୍ ରାଜାରାଃ ହରାତେ ନେ ବିଷାଏକ କାଜିକାଦା,

‘ତିସିଙ୍ଗ୍ ଆପେ ପାର୍ମେଶ୍ୱାର୍ଆଃ କାଜିପେ ଆୟୁମେରେଦ୍,
ମନ୍ସୁରୁଦ୍ ଆଲ୍ପେ କେଟେଜେୟା ।’”

୮ ଚିୟାଃଚି ଯିହୋଶୁୟ ହଡ଼କକେ ପାର୍ମେଶ୍ୱାର୍ଆଃ ବାନାର୍ସାକାଦ୍ ରୁଡ଼ନ୍ତୁ ଏମ୍କାକତେୟାଃଏ ରେଦ୍, ପାର୍ମେଶ୍ୱାର୍ ତାୟମ୍ତେ ଏଟାଃ ମିଆଁଦ୍ ରୁଡ଼ନ୍ତୁ କାଜି କାଏ କାଜିକାତେତେୟାଃ । ^୯ ଏନାତେ, ନେଆଁ ଆଟ୍ଟକାରଃତାନା, ଏୟା ହୁଲାଙ୍ଗ୍ରେ ପାର୍ମେଶ୍ୱାର୍ ରୁଡ଼ୟାନାଏ, ଏନ୍ଲେକାଗି, ପାର୍ମେଶ୍ୱାର୍ ଆୟାଃ ହଡ଼କଆଃ ନାଗେନ୍ତେ ବିଶେଷ୍ ରୁଡ଼ନ୍ତୁ ଦହାକାଦାଏ । ^{୧୦} ପାର୍ମେଶ୍ୱାର୍ ଆୟାଃ କାମିଏତେ ରୁଡ଼ୟାନ୍ ଲେକାଗି, ଜେତାଏ ଆୟାଃ ଏମାକାଦ୍ ରୁଡ଼ନ୍ତୁରେ ବଲକାନା, ଇନିଃ ଆପ୍ନାଃ କାମିଏତେ ରୁଡ଼ନ୍ତୁ ନାମାକାଦାଏ । ^{୧୧} ଏନାତେ ଆବୁ ଏନ୍ ରୁଡ଼ନ୍ତୁରେ ବଲ ନାଗେନ୍ତେ ପୁରାଃ ଚେଷ୍ଟାଏକାବୁ, ଜେଲେକାଚି ଆବୁଏତେ ଜେତାଏ ହଡ଼, ଏନ୍ କା ପାଡ଼ିୟାର୍କେଦ୍ ହଡ଼କଆଃ ନାମୁନା ଲେକା ଆଲକାଏ ଉୟୁଗଃକା ।

^{୧୨} ଚିୟାଃଚି ପାର୍ମେଶ୍ୱାର୍ଆଃ ବାଚାନ୍ ଜାନିଦ୍ ଆଡ଼ଃ କାମିୟଃତେୟାଃ ତାନାଃ ଆଡ଼ଃ ବାଚାନ୍ହରା ଲେସେରକାନ୍ ତାରାଉଡ଼ିଏତେ ପୁରାଃ ଲେସେରତେୟାଃ ତାନାଃ, ନେ ବାଚାନ୍ତେ ଜୀଉ ଆଡ଼ଃ ଆମ୍ ନେସାନାଃ, ଜଡ଼େନ୍ ଜାଙ୍ଗ୍ରେ ଭେଦାଆଆଃ, ଆଡ଼ଃ ହଡ଼କଆଃ ମନ୍ସୁରୁଦ୍ରେୟାଃ ଏଡ଼କାନ୍ ସାନାଙ୍ଗ୍ ଆଡ଼ଃ ଉଡ଼୍ରେୟାଃ ବିଚାର୍ ହବାଅଃଆ । ^{୧୩} ପାର୍ମେଶ୍ୱାର୍ତାଃଏତେ ଜେଡ଼ନାଃ କା ଉକୁ ଦାଡ଼ିୟାଆ, ବାଇୟାକାନ୍ତେୟାଃ ସବେନାଃ ଇନିୟାଃ ସାମ୍ନାଙ୍ଗ୍ରେ କା ଉକୁଆକାନା ମେନ୍ଦ୍ ଇନିୟାଃ ମେଦ୍

ସାମ୍ରାଜ୍ୟରେ ନେଲଣତାନା । ଆଡ଼ଃ ଏନ୍ ପାରମେଶ୍ଵାର୍ଥାଃ
ସାମ୍ରାଜ୍ୟରେ ଆବୁକେ ହିସାବ୍ ଏମ୍ ଲାଗାତିଙ୍ଗ୍‌ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

^{୧୪} ଏନାତେ, ସିର୍ମାସାଲିମ୍ ହରାତେ ସେନ୍ ସେଟେରାକାନ୍
ପାରମେଶ୍ଵାର୍ଥାଃ ହନ୍ ଯାଶୁଗି ଆବୁଆଃ ମାରାଙ୍ଗ୍ ଯାଜାକ୍ ତାନିଃ,
ଏନାତେ ଏଲ୍ଲା ହିଜୁଃପେ, ଆବୁ ଆବୁଆଃ ବିଶ୍ଵାସ୍‌ରେ ପୁରାଃ
କେଟେୟାନ୍‌ଗି ତାଇନ୍ ଲାଗାତିଙ୍ଗ୍‌ୟାଃ । ^{୧୫} ଚିୟାଃଚି ଇନିଃ ଆବୁଆଃ
ନାରାଦୁରା ଇମ୍‌ତା କାଏ ଆଟ୍‌କାର୍‌ଉରୁମ୍ ଦାଡ଼ିୟା ଏନ୍‌ଲେକାନ୍
ମାରାଙ୍ଗ୍ ଯାଜାକ୍ ନାହାଁଲିଃ । ମେନ୍‌ଦ ଚିମିନ୍ ରାକାମ୍‌ରେୟାଃ
ବିନିତାଅରେ ଉୟୁଃକାନ୍ ତାଇକେନ୍‌ରେୟ, ଇନିଃ କାଏ ପାପ୍‌କେଦା
। ^{୧୬} ଏନାତେ ଆବୁ ଜୀଉ କେଟେଦ୍‌ତାନ୍‌ଲଃ ପାରମେଶ୍ଵାର୍ଥାଃ
ସାୟାଦ୍‌ରେୟାଃ ରାଜାଦି ହେପାଦ୍‌ତେବୁ ସେନା, ଏନ୍‌ତାଃରେ ଆବୁ
ଆବୁଆଃ ଦେଙ୍ଗା ନାମେ ନାଗେନ୍ତେ ଲାଗାତିଙ୍ଗ୍ ଦିପିଲିରେ ଦାୟା
ଆଡ଼ଃ ସାୟାଦ୍‌ବୁ ନାମେୟା ।

୫

^୧ ସବେନ୍ ମାରାଙ୍ଗ୍ ଯାଜାକ୍ ଆପାନ୍ ହଡ଼କତାଃଏତେ
ସାଲାକେଦ୍‌ତେ କାମିୟାଃ । ଇନିଃ ଇନ୍‌କୁଆଃ ହରାତେ ପାପ୍
ଛାମାରେୟାଃ ଦାଣ୍ଠି ରାକାବେ ନାଗେନ୍ତେ ଆଡ଼ଃ ଦାନ୍ ରାକାବେ
ନାଗେନ୍ତେ ପାରମେଶ୍ଵାର୍ଥାଃ ସେଞ୍ଜା କାମିୟାଃଏ । ^୨ ଇନିଃ ଆଇଃକ୍‌ଗି
ଚିମିନ୍ ରାକାମ୍‌ରାଃ ଗୁହ୍ନାଁ, କା ପେଡେଃତେ ପେରେଜାକାନ୍ ହରାତେ,
କା ସାରିକେଦ୍‌ତେ ଗୁହ୍ନାଁ କାମିକାଦ୍ ଡଣ୍ଡୁ ହଡ଼କତାଃ ନାଗେନ୍ତେ
ଇନିଃ ଲିବୁୟାନ୍‌ନିଃ ତାନିଃ । ^୩ ଆଡ଼ଃ ଇନିଃ ଏଗାଃକତାଃ ପାପ୍
ନାଗେନ୍ତେ ଏସ୍‌କାର୍ ଦାଣ୍ଠି ରାକାବାଃଏ ମେନ୍ତେଦ କାହା ମେନ୍‌ଦ
ଆୟାଃ ଆପାନାଃ ପାପ୍ ନାଗେନ୍ତେୟ ଇନିଃକେ ଦାଣ୍ଠିରାକାବ୍
ଲାଗାତିଙ୍ଗ୍‌ୟାଃ । ^୪ ଜେତାଏ ଆପାନ୍‌କେଗି ମାରାଙ୍ଗ୍ ଯାଜାକ୍
ସାଲାକେଦ୍‌ତେ ଆପାନାଃ ମାଇନ୍ କାଏ ରିକାଦାଡ଼ିୟା । ହାରୁନ୍‌ଆଃ
ଲେକା ପାରମେଶ୍ଵାର୍ଥାଃ ହରାତେ କେଡାକାନ୍‌ନିଃ ଏସ୍‌କାର୍ ମାରାଙ୍ଗ୍
ଯାଜାକ୍ ହବା ଦାଡ଼ିୟାଆଏ ।

୫ ଏନ୍‌ଲେକାଗି ମାରାଙ୍ଗ୍ ଯାଜାକ୍‌ରେୟାଃ ମାଇନାନ୍ ନାମେ ନାଗେନ୍ତେ ଶ୍ରୀଷ୍ଟ୍ ଆଇଃକ୍‌ଗି ଆଇଃକ୍‌କେ କାଏ ସାଲା । ମେନ୍‌ଦ ପାର୍‌ମେଶ୍ୱାର୍ ଇନିଃକେ ସାଲାକେଦ୍‌ତେ କାଜିକିୟା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।”

୬ ଆଡ଼ଃ ଇନିଃ ନେଆଁହ କାଜିକାଦାଏ, “ଆମ୍ ଯାଜାକ୍ କାମିରେ ମଲ୍‌କିସେଦକଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନମେ ।”

୭ ✽ଅକନ୍ ପାର୍‌ମେଶ୍ୱାର୍ ଇନିଃକେ ଗନ୍‌ଏଃଏତେ ବାଞ୍ଚାଅ ଦାଡ଼ିୟାଏ, ଇନିଃତାଃରେ ଯୀଶୁ ନେ ଅତେଦିଶୁମ୍‌ରେୟାଃ ଜୀଝାନ୍‌ରେ ପୁରାଃ ରାନାଃତାନଲଃ ମେଦ୍ ଦାଆଃ ଚିପାଃକେଦ୍‌ତେ ବିକ୍ରିକେଦା । ଇନିଃ ଲେବେଃ ଆଡ଼ଃ ସାଧୁ ହଡ଼ ହବାକାନ୍ ହରାତେ ପାର୍‌ମେଶ୍ୱାର୍ ଆୟାଃ ବିକ୍ରି ଆୟୁମ୍‌କେଦା । ୮ ଇନିଃ ପାର୍‌ମେଶ୍ୱାର୍‌ଆଃ ହନ୍ ତାଇକେନ୍‌ରେୟ, ଦୁକୁ ସାହାତିଙ୍ଗ୍‌କେଦ୍‌ତେ କାଜି ମାନାତିଙ୍ଗ୍‌ତେୟାଃ ଇତୁୟାନାଏ । ୯ ନେ'ଲେକା ପାର୍‌ମେଶ୍ୱାର୍ ଇନିଃକେ ମିଆଁଦ୍ ପକ୍‌ତାକାନ୍ ମାରାଙ୍ଗ୍ ଯାଜାକ୍ ଲେକା ହବା ଦାଡ଼ିୟାଆଏ ମେନ୍ତେ କାଜିକେଦାଏ, ଆଡ଼ଃ ଇନିଃ ଆୟାଃ ମାନାତିଙ୍ଗ୍‌ତାନ୍ ସବେନ୍‌କଆଃ ନାଗେନ୍ତେ ଜାନାଅ ଜୀଠ ବାଞ୍ଚାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ । ୧୦ ଆଡ଼ଃ ଇନିଃ ମଲ୍‌କିସେଦକଆଃ ଆକ୍‌ତେୟାର୍‌ନିଃ ଲେକା ମାରାଙ୍ଗ୍ ଯାଜାକ୍ ହବାୟାନାଏ ମେନ୍ତେ ପାର୍‌ମେଶ୍ୱାର୍ ଉଦୁବ୍‌କେଦାଏ ।

ପାତିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାଙ୍ଗ୍‌ତାନା । ମେନ୍‌ଦ ଆପେକେ ଉଦୁବ୍ ନାଗେନ୍ତେ ହାମ୍‌ଲୁଗିୟା, ଚିଆଃଚି ଆପେୟାଃ ଆମ୍‌କ୍ ଜୀଝାନ୍‌ରେ ଆୟୁମ୍ ଆଡ଼ଃ ଆଟ୍‌କାର୍‌ଉରୁମ୍ ନାଗେନ୍ତେ କାପେ ଚିହ୍ନଲୀକାନା । ୧୨ ✽ଆପେ ଏଟାଃକକେ ଇତୁରେୟାଃ ଦିପିଲି ସେଟେରାକାନ୍‌ରେୟ, ପାର୍‌ମେଶ୍ୱାର୍‌ଆଃ ବାଚାନ୍‌ରେୟାଃ ଏନେଟେଦ୍ ଇନିତୁକେ, ଆପେକେ ଇତୁ ନାଗେନ୍ତେ ଇତୁନିଃ ଲାଗାତିଙ୍ଗ୍ ହବାଅଃତାନା । ଆପେ କେଟେଦ୍

✽ ୫:୭ ୫:୭ ମାଥୱ ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭. ✽ ୫:୧୨ ୫:୧୨ ୧ କରିନ୍ଥୀୟ ୩:୨.

ଜମେୟାଃ ବାଦ୍‌ଲୀରେ ନାହାଁଃ ଜାକେଦ୍ ତଥାପେ ନୁଁ ତାନା ।
 ୧୩ ଜେତାଏ ତଥା ନୁଁ ତାନନିଃ, ସିଟିଆ ହନ୍ ଲେକାନନିଃ ତାନିଃ ।
 ବୁଗିନାଃ ଆତଃ ଏଡକାନାଃ ବିଷାଏରେ ଆୟାଃ ସେଣାଁ ବାନଃଆ ।
 ୧୪ ମେନ୍ଦ କେଟେଦ୍ ଜମେୟାଃ, ହାରା ଦାଡ଼ିକାନ୍ ହଡକ ନାଗେନ୍ତେ
 ତାନାଃ, ଇନ୍‌କୁ ହାରା ଦାଡ଼ିୟାନ୍ ହରାତେ ବୁଗିନାଃ ଆତଃ ଏଡକାନାଃ
 ଆଟକାର୍ ଉରୁମ୍ ଦାଡ଼ିୟାକ ।



୧ ଏନାତେ ଆବୁ ଶ୍ରୀଷ୍ଟ ଧାରାମ୍ ବିଷାଏରେୟାଃ ଏନେଟେଦ୍
 ଇନିତୁ ବାଗିକେଦ୍‌ତେ ଆମ୍‌ରେ ହାରାଇଦିୟଃ ଲେକାନ୍
 ପକ୍‌ତାନ୍ ଇନିତୁରେ ଇତୁନ୍ ଲାଗାଡିକ୍‌ୟାଃ । ଆବୁ ଧାରାମ୍
 ବିଶ୍ୱାସ୍‌ରେୟାଃ ଏନେଟେଦ୍ ଇନିତୁ ଅକ୍‌ନାଠି, ସାମାକାଜି
 କାମିକ୍‌ଏତେ ରୁହାଡ଼ତାନ୍‌ଲଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍,
 ୨ ବାପ୍ତିସ୍ମା ବିଷାଏରେୟାଃ ଇନିତୁ, ବାରାନ୍ ତିଃଇ ଜିଲିକ୍, ଗନଏଃ
 ହଡକଆଃ ଜୀଉବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାଇ,
 ନେ ସବେନାଃରେୟାଃ ଇତୁ ନାକ୍ ଆତଃମିସା ନିହିଁଗାତା ବାଇ କା
 ଲାଗାଡିକ୍‌ୟାଃ । ୩ ଆବୁ ଆୟାଃରେତେ ସେନ୍ ଇଦିନାଃବୁ ! ଆତଃ
 ପାର୍‌ମେଶ୍ୱାର୍ ଆବୁକେ ଆବୁବୁରେଦ, ଆବୁ ନେଆଁବୁ କାମିୟା ।

୪ ଅକନ୍‌କ ଆକଆଃ ବିଶ୍ୱାସ୍‌କ ଆଦାକାଦା, ଇନ୍‌କୁ
 ହେୟାଡିକ୍‌କେଦ୍‌ତେ ଆତଃମିସାକ ରୁହାଡ଼ ଦାଡ଼ିୟାଟି ? ଇନ୍‌କୁ ମିସା
 ପାର୍‌ମେଶ୍ୱାର୍‌ଆଃ ମାର୍‌ସାଲ୍‌ରେ ତାଇନଃ ତାଇକେନାକ, ସିମ୍‌ରେୟାଃ
 ବାର୍‌ଦାନ୍ ଚାଖାଅକାଦାକ ଆତଃ ପାବିତାର୍ ଆମ୍‌ରାଃ ହିସାଦାର୍
 ହବାକାନାକ, ୫ ଇନ୍‌କୁ ପାର୍‌ମେଶ୍ୱାର୍‌ଆଃ ବୁଗିନ୍ ବାଗାନ୍‌କେ ଆତଃ
 ହିଜୁଃ ଦିପିଲିରେୟାଃ ପେଡ଼େଃକେ ଆଟକାର୍ ଉରୁମ୍‌କାଦାକ ।
 ୬ ଏନ୍‌ରେୟା ଇନ୍‌କୁ ଆକଆଃ ବିଶ୍ୱାସ୍‌କେ ଆଦାକାଦାକ । ଏନାତେ
 ଆତଃମିସା ହେୟାଡିକ୍‌କେଦ୍‌ତେ ରୁହାଡ଼ତେୟାଃ ଇନ୍‌କୁ ନାଗେନ୍ତେ
 କା ହବାସାକାଅଆଃ, ଚିୟାଠି ଇନ୍‌କୁ ଆକଆଃ ଜିୟନଃ ନାଗେନ୍ତେ
 ପାର୍‌ମେଶ୍ୱାର୍‌ଆଃ ହନ୍‌କେ ଆତଃମିସା କୁଶ୍‌ରେ କିଲାକେଦ୍‌ତେ ହଡ଼
 ଆଲାରେ ଗିହୁଗିତାନାକ ।

୭ ଅକ ଅତେରେ ସବେନ୍ ଇମ୍ତା ଗାମା ଦାଆଃ ଉୟୁଃକେଦ୍‌ତେ
 ବେଭାରେ ଲେକାନ୍ ହିତାକଏ ଅମନେଆଁ, ଏନ୍ ଅତେରେ
 ପାର୍‌ମେଶ୍‌ବାର୍‌ଆଃ ଆଶିଷ୍ ମେନାଃ । ୮ ମେନ୍‌ଦ ଏନ୍ ଅତେ ଜାନୁମ୍
 ଦାରୁ ଆତଃ ଟୁଲିତାସାଦ୍ ଅମନେରେଦ୍, ଏନାରେୟାଃ ଜେତାନ୍
 ଗନିଙ୍ କା ତାଇନାଃ, ଏନା ପାର୍‌ମେଶ୍‌ବାର୍ ସାର୍‌ପାଅକାଦ୍ ଲେକାନାଃ
 ହବାଅଃଆ ଆତଃ ସେଜେଲ୍‌ତେ ଜିୟନଃଆ ।

୯ ହେ ଦୁଲ୍‌ଲାଡ୍‌କ, ଆଲେ ଆପେକେ ନେ'ଲେକା କାଜିଲେରେୟ୍,
 ଆପେ ଆପେୟାଃ ଜୀଉ ବାଞ୍ଚାଅ ନାମେ ନାଗେନ୍ତେ ଆଶିଷ୍
 ନାମେ ଲେକାପେ ହବାକାନା, ମେନ୍ତେ ଆପେୟାଃ ତେତାନ୍‌ରେ
 ଆଲେୟାଃ ବିଶ୍ୱାସ୍ ମେନାଃ । ୧୦ ପାର୍‌ମେଶ୍‌ବାର୍ କା ଧାର୍‌ମାନ୍‌ନିଃ
 ନାହାଁଲିଃ । ଇନିଃ ଆପେୟାଃ କାମିକ, ବିଶେଷ୍‌କେଦ୍‌ତେ ପାବିତାର୍
 ହଡକକେ ଦେଙ୍ଗା ଆତଃ ନାହାଁଃ ଜାକେଦ୍ ସୁସାର୍‌କତାନ୍
 ହରାତେ ପାର୍‌ମେଶ୍‌ବାର୍‌ଆଃ ନୁତୁମ୍ ନାଙ୍ ଆପେ ଅକିନ୍ ଦୁଲ୍‌ଲାଡ୍,
 ଉଦୁବକାଦାପେ, ଏନା ଇନିଃ କାଏ ରିଡିଙ୍‌ମେୟା । ୧୧ ମେନ୍‌ଦ
 ଆଲେୟାଃ ଇଛାସାନାଙ୍ ନେଆଁ ତାନାଃ, ଟୁଣ୍ଟୁ ଦିପିଲି ଜାକେଦ୍
 ଏଟାଃକ ନାଗେନ୍ତେ ଆପେୟାଃ ଦୁଲ୍‌ଲାଡ୍ ସବେନ୍ ଇମ୍ତା ତାଇନିକା
 । ଏନାରେ ଆପେୟାଃ ଆସ୍ତାକାଦ୍ ସବେନାଃ ପୁରାଅଃଆ । ୧୨ ଆପେ
 କୁଡ୍ଡି ହବାଅଃପେ ମେନ୍ତେ ଆଲେ କାଲେ ସାନାଙ୍‌ତାନା, ମେନ୍‌ଦ
 ବିଶ୍ୱାସ୍‌ରେ ପକ୍‌ତାକାନ୍‌କକେ ଆତଃ ଧୂରାଜ୍‌ରେ ତାଇନିତାନ୍
 ହଡକକେ ଅତଙ୍‌କପେ, ଆତଃ ପାର୍‌ମେଶ୍‌ବାର୍ ବାନାର୍‌ସା ଏମାକାଦ୍
 ସବେନ୍ ବିଷାଏ ନାମେପେ ।

ପାର୍‌ମେଶ୍‌ବାର୍‌ଆଃ ବାନାର୍‌ସା କା ବାଦ୍‌ଲ୍‌ଅଃଆ

୧୩ ପାର୍‌ମେଶ୍‌ବାର୍ ଆବ୍ରାହାମ୍‌କେ ବାନାର୍‌ସା ଏମ୍‌କିଃ ଇମ୍ତା,
 ପାର୍‌ମେଶ୍‌ବାର୍ ଇନିଃକେ ଏମାକାଇ ବାନାର୍‌ସାକେ ପୁରାଏୟା ମେନ୍ତେ
 କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ କା ତାଇନ୍
 ହରାତେ ଇନିଃ ଆୟାଃ ନୁତୁମ୍‌ତେ କିରିୟାକେଦା । ୧୪ ଇନିଃ
 କାଜିକେଦାଏ, “ଆଇଙ୍ଗ୍ ଆମ୍‌କେ ଆଶିଷ୍‌ମେୟାଇଙ୍ଗ୍, ଆମାଃ
 କିଲିକକେ ପୁରାଃଗିଇଙ୍ଗ୍ ପସାକଆ ।” ୧୫ ଆବ୍ରାହାମ୍ ଧୂରାଜ୍
 ସାବ୍‌କେଦ୍‌ତେ ତାଜିକେଦା । ଏନାତେ ଇନିଃ ପାର୍‌ମେଶ୍‌ବାର୍‌ଆଃ
 ବାନାର୍‌ସା ବିଷାଏ ସବେନାଃ ନାମ୍‌କେଦାଏ । ୧୬ ହଡକ କିରିୟାଏ
 ଇମ୍ତା ଆୟାଃତାଃଏତେ ମାରାଙ୍ ହଡଆଃ ନୁତୁମ୍‌ତେ କିରିୟା

ରିକାଃକ, ନେ'ଲେକା କିରିୟାକେଦ୍ ହରାତେ ସବେନ୍ କାପ୍‌ଜିତେୟାଃ ହକାଅଃଆ । ^{୧୭} ପାର୍‌ମେଶ୍‌ୱାର୍ ଅକନକକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍‌କଆଏ, ଏନ୍ ଏମାକାଦ୍ ବାନାର୍‌ସାକେ ଚିଉଲୀଅ କାଏ ବାଦ୍‌ଲାଅ ଦାଡ଼ିୟା ମେନ୍ତେ ଇନ୍‌କୁକେ ବୁଗିଲେକା ଉଦୁବ୍ ନାଗେନ୍ତେ ଇନିଃ ଆୟାଃ ବାନାର୍‌ସାଲଃ କିରିୟାକେହ୍ ମେସାକାଦାଏ । ^{୧୮} ଆୟାଃ ବାନାର୍‌ସା ଆତଃ କିରିୟା, ନେ ବାରାନାଃ କା ବାଦ୍‌ଲାଅଃଆ, ଏନାକେ ବାଦ୍‌ଲାଅକେଦ୍‌ତେ ପାର୍‌ମେଶ୍‌ୱାର୍ ହସଡ୍ କାଏ ହବାଅଃଆ । ଏନାତେ ଆୟାଃତାଃରେ ତାଇନ୍‌ତାନ୍ ଆବୁ ସବେନ୍‌କ ସାମନାଙ୍ଗ୍‌ରେ ଅକନ୍ ଆସ୍ତା ମେନାଃ ଏନାକେ ସାବ୍‌କେଟେଜେ ନାଗେନ୍ତେ ପୁରାଃଗି ଜୀଉରେ ରାସ୍‌କାବୁ ନାମାକାଦା । ^{୧୯} ନେ ଆସ୍ତା ଆବୁଆଃ ଜୀଦାନ୍‌ରେ ଜାହାଜ୍‌କେ ଆବ୍‌କାଏତାନ୍ ହାମ୍‌ଲ୍ ମେଡେଦ୍ ଲେକାନାଃ ତାନାଃ । ନେଆଁ ଆସ୍ତାଏ ଆତଃ ଭାର୍‌ସାଏ ଲେକ୍‌ନାଃ ତାନାଃ । ଏନା ସିର୍ମାଦିଶୁମ୍ ମାଦିର୍ ଅତାଃରେୟାଃ ହାନାଚିଙ୍ଗ୍ ଦାନାଙ୍ଗ୍‌ଲିଜାଃ ପାରମ୍‌କେଦ୍‌ତେ ମାରାଙ୍ଗ୍ ପାବିତାର୍ ଠାୟାଦ୍‌ରେ ସେଟେର୍ ଦାଡ଼ିକାନା । ^{୨୦} ଆବୁଆଃ ନାଗେନ୍ତେ ଯାଶୁ ସିଦାରେ ଏନ୍ତାଃତେ ସେନ୍ ସେଟେର୍‌କାନା । ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ଗ୍ ଯାଜାକ୍ ହବାକାନାଏ ।

୭

ଯାଜାକ୍ ମଲ୍‌କିସେଦକ୍

^୧ ନେ ମଲ୍‌କିସେଦକ୍ ସାଲେମ୍‌ରାଃ ରାଜା ଆତଃ ସାଲାଙ୍ଗି ଉତାର୍ ପାର୍‌ମେଶ୍‌ୱାର୍‌ଆଃ ଯାଜାକ୍ ତାଇକେନାଏ । ଆବ୍ରାହାମ୍ ଆୟାଃ ଗାଡିକ ଉପୁନିୟା ରାଜାକକେ ଲାଡ଼ାଇରେ ହାରାଅକେଦ୍‌ତେ ରୁହାଡ୍, ତାଇକେନାକ ଇମ୍‌ତା, ମଲ୍‌କିସେଦକ୍ ଇନିଃଲଃ ନେପେଲ୍‌କେଦ୍‌ତେ ଇନିଃକେ ଆଗିଷ୍‌କାଇ ତାଇକେନାଏ । ^୨ ଆତଃ ଆବ୍ରାହାମ୍ ଇନିଃକେ ଲାଡ଼ାଇହେତେ ନାମାକାଦ୍ ହିସାଏତେ ଗେଲ୍‌ହିସା ଏମାକାଇ ତାଇକେନାଏ । ମଲ୍‌କିସେଦକ୍‌ଆଃ ନୁତୁମ୍‌ରେୟାଃ ମୁଣ୍ଡି ହବାଅଃତାନା “ଧାରାମ୍‌ରେନ୍ ରାଜା,” ଇନିଃ ସାଲେମ୍‌ରେନ୍ ରାଜା ହବାକାନ୍ ହରାତେ ଆୟାଃ ନୁତୁମ୍‌ରେୟାଃ ଆତଃମିଆଁଦ୍ ମୁଣ୍ଡି ହବାଅଃତାନା “ଜୀଉସୁକୁରେନ୍ ରାଜା” । ^୩ ମଲ୍‌କିସେଦକ୍‌ଆଃ ଏଙ୍ଗାଆପୁ ଚାଏ ପୁରୁଖା ହାଡ଼ାମ୍‌କଆଃ ଚାଏ ଆୟାଃ ଜାନାମ୍

ଆତଃ ଗନଏଃ ବିଷାଏରେ ଜେତ୍‌ନାଃ କା ସାରିକାନା । ଇନିଃ ପାର୍‌ମେଶ୍ଵାର୍‌ଆଃ ହନ୍ ଲେକା, ଆୟାଃ ଯାଜାକ୍ କାମି ଜୀଦାନରାଃ କା ତୁଣ୍ଡୁ ଜାକେଦ୍ ଜାନାଅ ଜାନାଅଗି ତାଇନା ।

୪ ଏନାତେ ଉଡ଼୍‌ଷୁଲେପେ, ଇନିଃ ଚିମିନ୍ ମାରାଙ୍ଗ୍ ତାନିଃ । ଆବୁଆଃ ସାରିୟାକାନ୍ ପୁରୁଶା ହାଡ଼ାମ୍ ଆବ୍ରାହାମ୍ ଲାଡ଼ାଇହେତେ ଜିତାଅକାନ୍ ଖୁଜ୍ ରାଃ ମିଦ୍ ଗେଲ୍‌ହିସା* ଇନିଃକେ ଏମାକାଇ ତାଇକେନା । ୫ ଲେବୀକଆଃ କିଲିକ ଯାଜାକ୍ କାମିକ କାମିୟାଃ, ଇନ୍‌କୁ ଆନ୍‌ତୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍‌ହିସାକ ହାରମେୟାଁ ମେନ୍ତେ ଆତୁକାନା । ଏନାତେ ଇସ୍ରାଏଲ୍ ହଡ଼କ ଆବ୍ରାହାମ୍‌ଆଃ କିଲିକ ଆତଃ ଲେବୀକଆଃ ଆପାନାଃ ହଡ଼କ ତାନକରେୟ, ଇନ୍‌କୁତାଃଏତେ ନେ'ଲେକା ଗେଲ୍‌ହିସାକ ହାରମ୍ ତାଇକେନା । ୬ ମଲ୍‌କିସେଦକ୍ ଲେବୀ କିଲିରେନ୍ କାଏ ତାଇକେନ୍‌ରେୟ, ଇନିଃ ପାର୍‌ମେଶ୍ଵାର୍‌ଆଃ ବାନାର୍‌ସା ନାମାକାଦ୍ ଆବ୍ରାହାମ୍‌ତାଃଏତେ ମିଦ୍ ଗେଲ୍‌ହିସା ନାମ୍‌କେଦ୍‌ତେ ଇନିଃକେ ଆଗିଷ୍‌କିୟା । ୭ ଆଗିଷ୍ ଏମ୍ ହଡ଼, ଆଗିଷ୍ ନାମେ ହଡ଼ତାଃଏତେ ପୁରାଃଗି ମାରାଙ୍ଗ୍‌ଆଁ, ନେଆଁରେ ଜେତାନ୍ ଆଡ଼ାଃଉଡ଼ୁ ବାନଃଆ । ୮ ମିଦ୍ ଗେଲ୍‌ହିସା ନାମେ ଯାଜାକ୍‌କ, ମୁସିଙ୍ଗ୍ ହୁଲାଙ୍ଗ୍ ଗଜଃଆକ, ମେନ୍‌ଦ ମଲ୍‌କିସେଦକ୍ ଇନ୍‌କୁତାଃଏତେ ମାରାଙ୍ଗ୍ ତାନିଃ ମେନ୍ତେ ଗାଞ୍ଜା ଏମଃତାନା, ଚିଆଃଗି ଧାରାମ୍‌ପୁଥ୍ ଲେକାତେ ଇନିଃ ନାହାଁଃ ଜାକେଦ୍ ଜାନିଦ୍ ମେନାଇୟା । ୯ ଏନାତେ ଆବ୍ରାହାମ୍ ମଲ୍‌କିସେଦକ୍‌କେ ଗେଲ୍‌ହିସା ଏମ୍‌କିଃ ଇମ୍‌ତା, ଅକନ୍ ଲେବୀ ନାହାଁଃ ଗେଲ୍‌ହିସା ନାମେତାନାଏ, ଏନ୍ ଲେବୀହଗି ମଲ୍‌କିସେଦକ୍‌କେ ଗେଲ୍‌ହିସା ଏମାକାଇ ତାଇକେନାଏ ମେନ୍ତେ କାଜିୟଃତାନା । ୧୦ ଇମ୍‌ତା ଲେବୀ କାଏ ଜାନାମକାନ୍ ତାଇକେନା ଏନା ସାର୍‌ତିକାଜି ତାନାଃ, ମେନ୍‌ଦ ଆବ୍ରାହାମ୍ ମଲ୍‌କିସେଦକ୍‌ଲଃ ନେପେଲ୍‌କେନ୍ ଇମ୍‌ତା, ଇନିୟାଃ ହଡ଼ମ୍ ପୁରୁଶା ହାଡ଼ାମ୍ ଆବ୍ରାହାମ୍‌ଲଃ ତାଇକେନା ମେନ୍ତେ କାଜିଲେରେୟ ବାୟୁଃଆ ।

୧୧ ନେ ଲେବୀକଆଃ ଯାଜାକ୍ ହବାଅଃ ହରାତେ ଇସ୍ରାଏଲ୍ ହଡ଼କକେ ଆନ୍‌ତୁ ଏମାକାନା । ଲେବୀକଆଃ ଯାଜାକ୍ କାମି

* ୭:୪ ୭:୪ ଦାଗ୍ ଭାଗ୍

ହରାତେ ପକ୍ତାକାନ୍ ହବାଅଃତେୟାଃରେଦ, ହାରୁନ୍‌ଆଃ ଆକ୍ତେୟାର୍‌ତେ ନେ ଲେବୀକଆଃ ଯାଜାକ୍ କାମି ହକାକେଦ୍‌ତେ, ମଲ୍‌କିସେଦକ୍‌ଆଃ ଆକ୍ତେୟାର୍ ଲେକାତେ ଏଟାଃ ଆତଃମିଆଁଦ୍ ଯାଜାକ୍‌ଆଃ ଲାଗାତିଙ୍ଗ୍ କା ତାଇକେନା । ^{୧୭} ଚିୟାଃଚି ଯାଜାକ୍ କାମି ବାଦ୍‌ଲ୍ୟାଅଃତେୟାଃରେଦ, ମୁଣାରାଃ ଆନ୍‌ରୁହଗି ବାଦ୍‌ଲ୍ୟାଅଃତେୟାଃ । ^{୧୮} ଅକ୍‌ଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯୀଶୁ ତାନିଃ ଆତଃ ଏଟାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ଚିତ୍‌ଲ୍ୟାଅ ବେଦି ତେତାନ୍‌ରେ ଯାଜାକ୍ କାମି କାକ ରିକା । ^{୧୯} ନେଆଁତେ ସାରିୟଃତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମ୍‌କାନ୍ ତାଇକେନା ଆତଃ ଯାଜାକ୍ ହବାଅଃ ନାଗେନ୍ତେ ମୁଣା ନାବୀ ନେ କିଲିରେୟାଃ ନୁତୁମ୍ ଚିତ୍‌ଲ୍ୟାଅ କାଏ କାଜି ।

ମଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍

^{୧୮} ନେଆଁତେ ପୁରାଃଗି ସାରିୟଃତାନା, ମଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍‌ଆଃ ଉନ୍‌ଦୁବ୍ ହବାୟାନା । ^{୧୯} ଇନିଃ ମାନଝା ବାଇୟାକାଦ୍ ଆନ୍‌ରୁ ଲେକାତେ ଯାଜାକ୍ କାଏ ହବାକାନ୍ ତାଇକେନା, ମେନ୍‌ଦ କା ଟୁଣ୍ଡୁ ଜୀଦାନ୍‌ରାଃ ପେଡ଼େଃ ହରାତେ ଯାଜାକ୍ ହବାକାନ୍ ତାଇକେନାଏ । ^{୨୦} ଚିୟାଃଚି ଧାରାମ୍‌ପୁଥୁରେ ଅଲ୍‌କାନା, “ଆମ୍ ମଲ୍‌କିସେଦକ୍‌ଆଃ ଆକ୍ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ହବାଅଃଆମ୍, ମେନ୍ତେ ଗାଝା ଏମଃତାନା ।” ^{୨୧} ଏନାତେ ମାରି ଆନ୍‌ରୁଦ୍ ନାରାବୁରା ଆତଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାରିୟଃତାନା । ^{୨୨} ଚିୟାଃଚି ମୁଣା ନାବୀ ଏମାକାଦ୍ ଆନ୍‌ରୁ ହରାତେ ଜେଡ୍‌ନାଃ ପୁରାଃ ବୁଗିନାଃ ଲେକା ପକ୍ତା କା ହବାଦାଡ଼ିୟାନା, ମେନ୍‌ଦ ନାହାଃ ଆବୁକେ ପୁରାଃ ବୁଗିନ୍ ଆସ୍ତା ଏମାକାନ୍ ହରାତେ, ଆବୁ ପାର୍‌ମେଶ୍ୱାର୍‌ଆଃ ହେପାଦ୍‌ତେ ସେନ୍‌ନାଙ୍ଗ୍ ଦାଡ଼ିତାନାବୁ ।

^{୨୦} ନେଆଁଏତେ ଆଦ୍‌କା, ଆବୁ ନାଗେନ୍ତେ ପାର୍‌ମେଶ୍ୱାର୍‌ଆଃ କିରିୟାହଗି ମେନାଃ । ହାରୁନ୍‌ଆଃ କିଲିକ ଯାଜାକ୍ କାମିରେ ସାଲ୍‌ୟାନ୍ ଇମ୍‌ତା ନେ'ଲେକା ଜେତାନ୍ କିରିୟା କା ଏମାକାନ୍ ତାଇକେନା । ^{୨୧} ମେନ୍‌ଦ ଯୀଶୁ ଯାଜାକ୍ ହବାୟାନ୍ ଇମ୍‌ତା ପାର୍‌ମେଶ୍ୱାର୍ କିରିୟାକେଦ୍‌ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,

ଇନିଃ ଆୟାଃ କିରିୟା କାଏ ବାଦ୍‌ଲୀଅଏୟା,

ଆମ୍ ଜାନାଅ ଜାନାଅଗି ଯାଜାକ୍ ହବାଅଃଆମ୍ ।”

^{୨୨} ନେ ରାଜିନାମା ହରାତେ ଯାଗୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଞ୍ଜାଏ ହବାକାନା ।

^{୨୩} ନେଆଁ ବାଗିକେଦ୍‌ତେ ଆତଃମିଆଁଦ୍ ଧାରା ମେନାଃ, ଏନା ହବାଅଃତାନା, ଯାଜାକ୍‌କଆଃ ଗନଏଃ ହବାଅଃରେ, ଏଟାଃ ଯାଜାକ୍‌କ ଯାଜାକ୍ କାମିକ କାମିୟାଃ, ଏନାତେ ଯାଜାକ୍‌କ ପୁରାଃଗି ମେନାକଆ ଆତଃ ଇନ୍‌କୁକେ ସବେନ୍ ହୁଲୀଙ୍ଗ୍ କାଏ କାମିଇତିକତାନା ।

^{୨୪} ମେନ୍‌ଦ ଯାଗୁ ଜାନାଅ ଜାନାଅ ତାଇନାଏ ଆତଃ ଇନିୟାଃ ଯାଜାକ୍ କାମି ହଗି ଜାନାଅ ଜାନାଅ ତାନାଃ । ^{୨୫} ଆତଃ ଇନିୟାଃ ହରାତେ ପାର୍‌ମେଶ୍‌ବରଆଃ ହପରଜାପାଃତେ ହିଜୁଃତାନକକେ ନାହାଁଃ ଆତଃ ସବେନ୍ ଇମ୍‌ତା ଇନିଃ ଜୀଉବାଞ୍ଚାଅ ଦାଡ଼ିନିଃ ତାନିଃ, ଚିୟାଃଚି ଇନ୍‌କୁ ନାଗେନ୍ତେ ପାର୍‌ମେଶ୍‌ବରତାଃରେ ବିକ୍ତି ନାଙ୍ଗ୍ ଇନିଃ ଜାନାଅ ଜାନାଅଗି ତାଇନା ।

^{୨୬} ଆବୁଆଃ ସବେନ୍ ଲାଗାତିଙ୍ଗ୍‌ତେୟାଃକ ଯୋଗାଅନିଃ ଯାଗୁଗି ମାରାଙ୍ଗ୍ ଯାଜାକ୍ ତାନିଃ । ଇନିଃ ପାବିତାର୍, କା ଚିଟାକାନ୍, ପାପିକତାଃଏତେ ସାଙ୍ଗିନାକାନା, ଆତଃ ସିର୍ମାରେ ସବେନାଃଏତେ ପୁରାଃ ମାରାଙ୍ଗ୍ ମାଇନାନ୍ ଏମାକାନା । ^{୨୭} ଇନିଃ ଏଟାଃ ମାରାଙ୍ଗ୍ ଯାଜାକ୍ ଲେକାନିଃ ନାହାଁଲିଃ, ଇନ୍‌କୁଆଃ ଲେକା ଇନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆତଃ ତାୟମ୍‌ତେ ଏଟାଃକଆଃ ପାପ୍ ନାଗେନ୍ତେ ସବେନ୍ ହୁଲୀଙ୍ଗ୍ ଦାଣ୍ଟୋରାକାବ୍ କା ଲାଗାତିଙ୍ଗ୍‌ୟାଃ । ଇନିଃ ଆଇଃକ୍‌କେଗି ଦାଣ୍ଟୋ ରାକାବ୍‌କେଦ୍‌ତେ ମିସାତରା ସବେନାଃ ପୁରାଚାବାକାଦା । ^{୨୮} ମୁଗା ନାବାଆଃ ଆନ୍‌ତୁ ନାରାଦୁରା ହଡ଼କକେ ମାରାଙ୍ଗ୍ ଯାଜାକ୍‌ରେୟାଃ କାମି ନାଗେନ୍ତେ ସାଲୀକାନା । ମେନ୍‌ଦ ଆନ୍‌ତୁ ହବାୟାନ୍ ତାୟମ୍‌ତେ ପାର୍‌ମେଶ୍‌ବର ଆୟାଃ ବାନାର୍‌ସା ଆତଃ କିରିୟା ଲେକାତେ ଆୟାଃ ହନ୍‌କେ ମାରାଙ୍ଗ୍ ଯାଜାକ୍ ଲେକାଏ ସାଲୀକିୟା, ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାନା ।

Γ

ୟାଗୁ ଆବୁଆଃ ମାରାଙ୍ଗ୍ ଯାଜାକ୍

^୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆବୁ ନାମାକାଇ ମାରାଙ୍ଗ ଯାଜାକ୍, ସିର୍ମାରେନ୍ ମାରାଙ୍ଗ ମାନାରାଙ୍ଗନିଆଃ ରାଜଗାଦିରାଃ ଜମସାଃରେ ଦୁବାକାନା । ^୨ ଇନିଃ ଅକନ୍ ପୁରାଃ ପାବିତାର୍ ଠାୟାଦ୍‌ରାଃ ସାର୍ତି କୁମ୍ବା ଲାତାର୍‌ରେ ମାରାଙ୍ଗ ଯାଜାକ୍ ଲେକାଏ କାମିତାନା, ଏନା ହଡ଼ତେ କା ବାଇୟାକାନା, ମେନ୍‌ଦ ପ୍ରାଭୁ ଏନାକେ ବାଇୟାକାଦା ।

^୩ ସବେନ୍ ମାରାଙ୍ଗ ଯାଜାକ୍‌କ ପାର୍‌ମେଶ୍ୱାର୍‌ଆଃ ନୁଡୁମ୍‌ତେ ଦାନ୍ ରାକାବ୍ ଆତଃ ଜାଁତୁକଆଃ ଦାଣେଁ ରାକାବ୍ ନାଗେନ୍ତେକ ସାଲ୍‌କାନା । ଏନାତେ ଆବୁଆଃ ନେ ମାରାଙ୍ଗ ଯାଜାକ୍‌କେହିଁ ଜେଡ୍‌ନାଃ ଦାନ୍ ରାକାବେ ନାଗେନ୍ତେ ଲାଗାତିଙ୍ଗୟାଃ । ^୪ ଇନିଃ ନେ ଅତେରେ ତାଇନ୍‌ତେୟାଃରେଦ, ଯାଜାକ୍‌ହିଁ କାଏ ହବା ସାକାଅକାନ୍‌ତେୟାଃ, ତିୟାଃତି ଯିହୁଦୀକଆଃ ଆନ୍‌ତୁ ଲେକାତେ ଦାଣେଁରେୟାଃ ଦାନ୍ ରାକାବ୍ ନାଙ୍ଗ ଯାଜାକ୍‌କ ମେନାକଆ । ^୫ ଇନ୍‌କୁ ଯାଜାକ୍ କାମି କାମିତାନ୍‌ତେୟାଃ, ସିର୍ମାରେୟାଃ ନାକାଲ୍ ଆତଃ ଉମ୍‌ଲ୍ ଲେକ୍‌ନାଃ ଏସ୍‌କାର୍ ତାନାଃ । ମୁଣା ନାବୀଆଃ ଦିପିଲିହେତେ ନେ'ଲେକା ହବା ଆଉଅଃତାନା । ମୁଣା ନାବୀ ପାବିତାର୍ କୁମ୍ବା ବାଇ ନାଗେନ୍ତେ ସେକାଡ଼ଃ ତାଇକେନ୍ ଇମ୍‌ତା, ପାର୍‌ମେଶ୍ୱାର୍ ଇନିଃକେ କାଜିକାଇ ତାଇକେନା, “ନେଲେମେ, ବୁରୁରେ ଆମ୍‌କେ ଅକନ୍ ନାମୁନା ଉଦୁବକାନ୍ ତାଇକେନା, ଏନ୍‌ଲେକାଗି ସବେନାଃ ବାଇୟେମେ ।” ^୬ ମେନ୍‌ଦ ନାହାଁଃ ଯୀଶୁକେ ଅକନ୍ ଯାଜାକ୍ କାମି ଏମାକାନା, ଏନା ଏଟାଃକଆଃ ଯାଜାକ୍ କାମିହେତେ ପୁରାଃ ବୁଗିନାଃ ତାନାଃ । ଏନ୍‌ଲେକାଗି ପାର୍‌ମେଶ୍ୱାର୍ ଆତଃ ହଡ଼କଆଃ ଆଲାରେ ଇନିଃ ଅକ ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ତିୟାଃତି ନେ ରାଜିନାମା ପୁରାଃ ବୁଗିନାଃ ହବାଅଃ ନାଗେନ୍ତେ ବାନାର୍‌ସା ଏମାକାନା ।

^୭ ସିଦା ନିୟାମ୍‌ରେ ଜେତାନ୍ ଗୁଣ୍ଡାଁ କା ତାଇକାନ୍‌ରେଦ, ଆତଃମିଆଁଦ୍ ନିୟାମ୍ କା ଲାଗାତିୟାଃତେୟାଃ । ^୮ ମେନ୍‌ଦ ପାର୍‌ମେଶ୍ୱାର୍ ଆୟାଃ ହଡ଼କଆଃ ଗୁଣ୍ଡାଁ ଉଦୁବକେଦ୍‌ତେ କାଜିକେଦା,

“ପ୍ରାଭୁ କାଜିତାନାଏ, ନେତା ସେଟେରଃତାନା,

ଆଇଙ୍ଗ୍ ଇସ୍ରାଏଲ୍ ହଡ଼ ଆଡ଼ଃ ଯିହୁଦାରେନ୍ ହଡ଼କଲଃ ମିଆଁଦ୍
ନାଞ୍ଜା ରାଜିନାମା ବାଇୟାଈଙ୍ଗ୍ ।

୯ ଆଇଙ୍ଗ୍ ଇନ୍କୁଆଃ ପୁରଖା ହାଡ଼ାମ୍ ହଡ଼କଆଃ ତିଃଇ
ସାବ୍‌କେଦ୍‌ତେ ମିସାର୍ ଦିଶୁମ୍‌ଏତେ ଅଡ଼ଙ୍ ଆଉକେଦ୍‌କ
ଇମ୍‌ତା,

ଅକ ରାଜିନାମା ବାଇୟାକାଦ୍ ତାଇକେନାଇଙ୍ଗ୍ ଏନା, ନେ ରାଜିନାମା
ଲେକାନାଃ ନାହାଁଲାଃ । ଆଇଙ୍ଗ୍ ଇନ୍କୁଲଃ ଅକ ରାଜିନାମା
ବାଇୟାକାଦ୍ ତାଇକେନାଇଙ୍ଗ୍,

ଏନାରେ ଇନ୍କୁ ପାତିୟାର୍‌ରଃ ଲେକା କାକ ହବାୟାନା,
ଏନାତେ ଆଇଙ୍ଗ୍ ଇନ୍କୁଆଃ କାଇଙ୍ଗ୍ ଧ୍ୟାନ୍ କେଦା ।” ପ୍ରାଭୁ
କାଜିତାନାଏ,

୧୦ “ଆଇଙ୍ଗ୍ ହିଜୁଃ ଦିପିଲିରେ

ଇସ୍ରାଏଲ୍‌ରେନ୍ ହଡ଼କଲଃ ନେ ରାଜିନାମା ବାଇୟାଈଙ୍ଗ୍,
ଆଇଙ୍ଗ୍ ଆଇଁୟାଃ ଆନ୍‌ରୁକେ ଇନ୍କୁଆଃ ମନ୍
ଆଡ଼ଃ ମନ୍‌ସୁରୁଦ୍‌ରେ ଅଲେୟାଈଙ୍ଗ୍,
ଆଡ଼ଃ ଇନ୍କୁଆଃ ପାର୍‌ମେଶ୍‌ବାର୍ ହବାଅଃଇଙ୍ଗ୍,
ଆଡ଼ଃ ଇନ୍କୁ ଆଇଁୟାଃ ହଡ଼ ହବାଅଃଆକ ।

୧୧ ଇମ୍‌ତା ଇନ୍କୁ ହପର୍‌ଜାପାଃରେନ୍‌କକେ ଚାଏ ହାଗା
ମିଶିକକେ ଇନିତୁ ଏମ୍ କା ଲାଗାତିଙ୍ଗ୍‌ୟାଃ, ଆଡ଼ଃ
‘ପ୍ରାଭୁକେ ଆର୍‌କାରିପେ ମେନ୍ତେ ଜେତାଏକେ କାଜି କା
ଲାଗାତିଙ୍ଗ୍‌ୟାଃ,’

ତିୟାଃତି ହୁଡ଼ିଙ୍‌ଏତେ ମାରାଙ୍ଗ୍ ସବେନ୍‌କ ଆଇଙ୍ଗ୍‌କେ ସାରିୟାକ ।

୧୨ ଆଇଙ୍ଗ୍ ଇନ୍କୁଆଃ ସବେନ୍ ପାପ୍ ଛାମାକଆଇଙ୍ଗ୍

ଆଡ଼ଃ ଇନ୍କୁଆଃ ଜେତାନ୍ ଏଡ଼କାନ୍‌ଆଃ କାଇଙ୍ଗ୍ ପାହାମେୟା
।”

୧୩ ନେଆଁକେ ନାଞ୍ଜା ନିୟାମ୍ ମେନ୍ତେ କାଜିକେଦ୍ ହରାତେ
ପାର୍‌ମେଶ୍‌ବାର୍ ସିଦାତେୟାଃକେ ମାରିତେୟାଃ ମେନ୍ତେ କାଜିକେଦା
ଆଡ଼ଃ ଅକ୍‌ନାଃ ମାରିତେୟାଃ ତାନାଃ, ଏନା ଜାଲ୍‌ଦିଗି ଜିୟନଃଆ ।



ଅତେଦିଶୁମ୍ ଆଡ଼ଃ ସିର୍ମାରେୟାଃ ସେଞ୍ଜା

୧ ସିଦା ନିୟାମ୍ରେୟ ସେଞ୍ଜା ବିଷାଏରେ ଚିମିନ୍ ନିୟାମ୍ କାନୁନ୍‌କ ବାଇୟାକାନ୍ ତାଇକେନା ଆଡ଼ଃ ଅତେରେ ମିଆଁଦ୍ ପାବିତାର୍ ଠାୟାଦ୍ ତାଇକେନା । ୨ ଏନ୍‌ଲେକାଗି ମିଆଁଦ୍ ସେଞ୍ଜାରେୟାଃ କୁମ୍ବା ବାଇୟାକାନ୍ ତାଇକେନା । ଏନାରେ ତାଇକାନ୍ ପାହିଲା ହିସାରେ ଦିଆ ଦହ ଖୁଣ୍ଟୁ, ମିଆଁଦ୍ ଚେରୁଲ୍ ଆଡ଼ଃ ଚେରୁଲ୍ ଚେତାନ୍‌ରେ ପାର୍‌ମେଶ୍ୱାର୍‌କେ ଏମାକାନ୍ ହିଲ୍‌ଜ୍ ତାଇକେନା । ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃକ । ୩ କୁମ୍ବାରେୟାଃ ପାବିତାର୍ ଠାୟାଦ୍‌ତାଃରେ ହାନାଟିଜ୍ ଦାନାଜ୍‌ଲିଜାଃରାଃ ତାୟମ୍‌ରେ ଅକନ୍ ଠାୟାଦ୍ ମେନାଃ, ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃ । ୪ ଏନ୍ତାଃରେ ମିଆଁଦ୍ ବୁଗିନ୍ ସହାନ୍ ନାଜ୍ ଧୁଆନ୍ ଉରୁବେତେୟାଃ ସୋନାରେୟାଃ ଆଡ଼ଃ ଉପୁନ୍‌ସାଃରେ ସୋନାତେ ଦାପାଲାକାନ୍ “ରାଜିନାମାରାଃ ବାକ୍‌ସା” ତାଇକେନା । ଏନ୍ ବାକ୍‌ସା ଭିତାର୍‌ରେ “ମାନ୍ନା” ଦହାକାନ୍ ସୋନାରେୟାଃ ମିଆଁଦ୍ ତାସ୍‌ଜି ତାଇକେନା, ହାରୁନ୍‌ଆଃ ସୁଡ଼ାକାନ୍* ମିଆଁଦ୍ ସଟା ଆଡ଼ଃ ପାର୍‌ମେଶ୍ୱାର୍‌ଆଃ ଆନ୍‌ରୁ ଅଲାକାନ୍ ବାରିଆ ଚାକାର୍ ଦିରି ତାଇକେନା । ୫ ବାକ୍‌ସା ଚେତାନ୍‌ରେ ପାର୍‌ମେଶ୍ୱାର୍ ମେନାଇୟା ମେନ୍ତେ ଉଦୁବେତାନ୍ ମାନାରାଜ୍‌ରେନ୍ ବାରିଆ ଆପ୍‌ରବ୍ ତାଇକେନ୍ କିରୁବ୍‌ଦୁଁଦ୍‌କିନ୍ ତାଇକେନା । ଇନ୍‌କିନ୍ ପାପ୍ ଛାମା ଠାୟାଦ୍ ଚେତାନ୍‌ରେ ଆପ୍‌ରବ୍ ଚାକାର୍‌କେଦ୍‌ତେ ତାଇକେନାକିନ୍, ମେନ୍‌ଦ୍ ନେ ସବେନାଃରାଃ ସାର୍‌ତିକାଜି ମିମିଆଦ୍‌ତେ ଉଦୁବ୍ କା ଲାଗାତିଜ୍‌ୟାଃ ।

୬ ଏନ୍ତାଃରେ ନେ'ଲେକା ବାଇକାନ୍ ତାଇକେନା, ଯାଜାକ୍‌କ ସେଞ୍ଜା ନାଗେନ୍ତେ ସବେନ୍ ହୁଲାଜ୍ କୁମ୍ବାରେୟାଃ ପାହିଲା ହିସାତେ ବଲୟାନ୍‌ଲଃ ଆକଆଃ କାମିକ କାମିୟାଃ, ୭ ମେନ୍‌ଦ୍ କୁମ୍ବାରେୟାଃ ଆଡ଼ଃମିଆଁଦ୍ ହିସାତେ ମାରାଜ୍ ଯାଜାକ୍ ଏସ୍‌କାର୍ ବଲ ଦାଡ଼ିୟାଏ । ଇନିଃ ଆୟାଃ ନାଗେନ୍ତେ ଆଡ଼ଃ ହଡ଼କ ବେଗାର୍ ସାରିତେ ପାପ୍‌କାଦ୍ ନାଗେନ୍ତେ, ପାର୍‌ମେଶ୍ୱାର୍‌ତାଃରେ ଏମାକାଦ୍ ମାୟୋମ୍‌କେ ସାବ୍‌କେଦ୍‌ତେ ମିଦ୍ ବାରାଷ୍‌ରେ ମିସାଗି ଏନ୍ ଠାୟାଦ୍‌ତେ ବଲଆ । ୮ ପାବିତାର୍ ଆମ୍ ନେ ସବେନାଃ ହରାତେ ବୁଗିଲେକାଏ ଇଡୁଆଃ ଯେ, କୁମ୍ବାରେୟାଃ ପାହିଲା ହିସା ତାଇନଃ ଜାକେଦ୍, ପୁରାଃ ପାବିତାର୍

* ୯:୪ 9:4 ନାଗ୍‌ଜା

ଠାୟାଦ୍‌ତେ ବଲ ନାଗେନ୍ତେ ହରା କା ନିଜାକାନା ।^୯ କୁମ୍ଭାରେୟାଃ ନେ ପାହିଲା ହିସା, ନେ ଦିପିଲି ନାଗେନ୍ତେ ଜନ୍‌କା ଲେକାନାଃ ତାନାଃ । ନେଆଁରେୟାଃ ମୁଣ୍ଡି ହବାଅଃତାନା, ପାର୍‌ମେଶ୍ଵାର୍‌ଆଃ ନାଗେନ୍ତେ ଦାନ୍ ରାକାବ୍ ଆତଃ ଜାତୁକଆଃ ଦାଣ୍ଡୋରାକାବ୍ ସେଞ୍ଜାତାନ୍‌ନିଆଃ ମନ୍‌ସୁରୁଦ୍‌କେ କାଏ ପକ୍‌ତା ଦାଡ଼ିୟା ।^{୧୦} ଚିୟାଃଚି ଏନ୍ ସବେନାଃ ଜମେ, ନୁଏତେୟାଃ ଏସକାର୍‌ ତାନାଃ ଆତଃ ରାକାମ୍ ରାକାମ୍‌ରେୟାଃ ଆରୁଞ୍ ଫାର୍‌ଚିୟାଃ କାମିକ ଆତଃ ହଡ଼ ନେପେଲ୍‌ରେ କାମିୟାଃତାନ୍ ଲେକାନାଃ ଏସକାର୍‌ ତାନାଃ । ପାର୍‌ମେଶ୍ଵାର୍‌ଆଃ ନାଞ୍ଜା ନିୟାମ୍ କାନୁନ୍‌କ ହବାଅଃ ଜାକେଦ୍ ନେ ସବେନାଃରାଃ ଲାଗାତିଞ୍ ତାଇକେନା ।

^{୧୧} ମେନ୍‌ଦ ନାହାଁଃ ଅକନ୍ ସବେନ୍ ବୁଗିନ୍ ବିଷାଏ ଆବୁ ନାମାକାଦାବୁ, ଏନ୍ ସବେନାଃରାଃ ମାରାଞ୍ ଯାଜାକ୍ ଲେକା ଶ୍ରୀଷ୍ଟ୍ ହିଜୁଃକାନାଏ । ଅକନ୍ କୁମ୍ଭାରେ ଇନିଃ ସେଞ୍ଜା କାମିତାନାଏ, ଏନା ପୁରାଃ ମାରାଞ୍‌ଆଁ ଆତଃ ସିର୍‌ମାରେ ପୁରାଃ ବୁଗିନାଃ ତାନାଃ । ଏନାଦ ହଡ଼ତେ କା ବାଇୟାକାନା, ଆତଃ ବାଇୟାକାନ୍ ଅତେଦିଶ୍ଵମ୍‌ରେୟାଃ ହିସା ନାହାଁଲାଃ ।^{୧୨} ଶ୍ରୀଷ୍ଟ୍ ଏନ୍ କୁମ୍ଭା ହରାତେ ମିସାଗି ପୁରାଃ ପାବିତାର୍ ଠାୟାଦ୍‌ତେ ବଲୟାନ୍ ଇମ୍‌ତା ଇନିଃ ମେରମ୍ ଚାଏ ବାଛାରାଃ ମାୟୋମ୍‌କେ ଦାଣ୍ଡୋ ରାକାବ୍ ନାଞ୍ କା ଇଦିକେଦ୍‌ତେ ଆୟାଃ ମାୟୋମ୍‌କେଗି ଇଦିକେଦା ଆତଃ ଆବୁଆଃ ନାଗେନ୍ତେ ଜାନାଅ ଜାନାଅ ଜୀଉ ବାଞ୍ଜାଅରେୟାଃ କାମି କାମିକେଦା ।^{୧୩} ଅକନ୍ ହଡ଼କ କାଜିକାମି କା ମାନାତିଞ୍ ହରାତେ ସତ୍‌ରାଅଃତାନାକ, ଇନ୍‌କୁ ମେରମ୍‌କଆଃ ମାୟୋମ୍ ଚାଏ ସାଣ୍‌କଆଃ ମାୟୋମ୍ ଆତଃ ଉରୁବାକାନ୍ ଦାମ୍‌ରୁହନ୍‌ଆଃ ତରେକ୍‌ତେ ହିରୁଚିକେଦ୍‌ତେ ଆକଆଃ ସତ୍‌ରାଏତେକ ଫାର୍‌ଚିୟାଃତାନା ।^{୧୪} ନେଆଁ ସାର୍‌ଚି ତାନାଃରେଦ୍, ଅକନ୍ ଶ୍ରୀଷ୍ଟ୍ ଜାନାଅ ଜାନାଅ ଆମ୍‌ରାଃ ହରାତେ ପାର୍‌ମେଶ୍ଵାର୍‌ଆଃ ଆୟାର୍‌ରେ ଆପାନ୍‌କେ ବେଗାର୍ ଦାଗିୟାକାନ୍ ଦାଣ୍ଡୋରାକାବ୍ ଲେକାଏ ଦାଣ୍ଡୋୟାନା । ଇନିୟାଃ ମାୟୋମ୍ ଚିନିନାଞ୍ ପୁରାଃ ଆଦକା ଲାଗାତିଞ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିଡିରିଞ୍ଜାଜ୍‌ରେୟାଃ ସାମାକାଜି କାମିକଏତେ ଆବୁଆଃ ବିବେକ୍ ଫାର୍‌ଚିୟାଃଆ, ଏନାତେ ଆବୁ ଜାନିଦ୍ ପାର୍‌ମେଶ୍ଵାର୍‌ଆଃ

ସେଞ୍ଜାକୁ ରିକାଦାଡ଼ିୟା ।

^{୧୫} ନେ ହରାତେ ଖ୍ରୀଷ୍ଟି ନାଞ୍ଜା ରାଜିନାମା ଠାହାରାଅକାଦାଏ, ଏନାତେ ଅକନ୍ଦକ ପାର୍ମେଶ୍ୱାର୍ତେ କେଡ଼ାକାନାକ, ଇନ୍ଦୁକେ ପାର୍ମେଶ୍ୱାର୍ତାଃ ବାନାର୍ସା ଏମାକାଦ୍ ଜାନାଅ ଆଗିଷ୍ଟକ ନାମେୟା । ସିଦାରାଃ ରାଜିନାମାରେ କାମିୟଃତାନ୍ ତାଇକେନ୍ ଇମ୍ତା, ହଡ଼କ ଅକନ୍ ପାପ୍‌କାମିକ କାମିକାଦା, ଏନା ଖ୍ରୀଷ୍ଟାଃ ଗନଏଃହେତେ ଏସ୍‌କାର୍ ରାଡ଼ାଅଃଆ ।

^{୧୬} ମିଆଁଦ୍ ଏମଃ ଅନଲ୍‌ଚିଠା ନିୟାମ୍ ଲେକା ହବାକାନରେ, ଏମଃ ଅନଲ୍‌ଚିଠା ବାଇୟାକାଦ୍ ହଡ଼ଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାଡ଼ିଙ୍ଗ୍‌ୟାଃ । ^{୧୭} ଚିୟାଃଚି ଏମଃ ଅନଲ୍‌ଚିଠା ବାଇୟାକାଦ୍ ହଡ଼ ଜାନିଦ୍ ତାଇନ୍ ଜାକେଦ୍ ଅନଲ୍‌ଚିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍‌ତେ ଏସ୍‌କାର୍ ଏନାରେୟାଃ କାମି ହବା ଦାଡ଼ିୟଃଆ । ^{୧୮} ଏନାମେନ୍ତେ ସିଦା ରାଜିନାମା† ହଗି ବେଗାର୍ ମାୟୋମ୍ ଲିଙ୍ଗିତେ କା ବାଇୟାକାନା । ^{୧୯} ସିଦାତେ ମୁଣା ନାବୀ ଆନ୍‌ଚୁରାଃ ଆନାଚୁକ ହଡ଼କତାଃରେ ଉଦୁବ୍‌କେଦା । ଏନ୍ତେ ଇନିଃ ବାଛା ଆଡ଼ଃ ମେରମ୍‌କଆଃ ମାୟୋମ୍‌ଲଃ ଦାଆଃ ମେସାକେଦ୍‌ତେ, ଏସୋବ୍ କତ ଆଡ଼ଃ ବାଇଗିନିଆ ଉନ୍‌ତେ ଆନ୍‌ଚୁରେୟାଃ ପୁଅରେ ଆଡ଼ଃ ସବେନ୍ ହଡ଼କଆଃ ଚେତାନ୍‌ରେ ହିରଚିକେଦା । ^{୨୦} ଇନିଃ କାଜିକେଦାଏ, “ପାର୍ମେଶ୍ୱାର୍ ଆପେକେ ଅକନ୍ ରାଜିନାମା ମାନାଡ଼ିଙ୍ଗ୍ ନାଗେନ୍ତେ ଆଚୁକାଦ୍‌ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।” ^{୨୧} ଏନ୍‌ଲେକାଗି ଇନିଃ ପାବିତାର୍ କୁମ୍ବା ଆଡ଼ଃ ସେଞ୍ଜା କାମିରେ ଅଡ଼କ୍‌ଅଃତାନ୍ ସବେନାଃରେ ମାୟୋମ୍‌କେ ହିରଚିକେଦା । ^{୨୨} ଆଡ଼ଃ ଆନ୍‌ଚୁ ଲେକାତେ ସବେନାଃରେ ମାୟୋମ୍‌ତେ ଫାର୍‌ଚିୟଃଆ, ଆଡ଼ଃ ବେଗାର୍ ମାୟୋମ୍ ଲିଙ୍ଗିତେ ପାପ୍ ଛାମା କା ହବାଅଃଆ ।

ଖ୍ରୀଷ୍ଟାଃ ଦାଣ୍ଡୋରାକାଦ୍ ପାପ୍‌କେ ସାଙ୍ଗିନେୟା

^{୨୩} ଅକନ୍ ବିଷାଏକ ସିର୍ମାରେୟାଃ ନାମୁନା ଲେକ୍‌ନାଃ ତାନାଃ, ଏନ୍ ସବେନାଃ ମାୟୋମ୍‌ତେ ଫାର୍‌ଚିୟଃ ଲାଗାଡ଼ିଙ୍ଗ୍ ତାଇକେନା, ମେନ୍‌ଦ ସିର୍ମାରେୟାଃ ବିଷାଏକ ନାଗେନ୍ତେ ନେ ସବେନାଃଏତେ

† ୯:୧୮ 9:18 ରୁକ୍ତି

ପୁରାଃ ମାରାଙ୍ଗ ଦାଣେଁ ରାକାବକେଦ୍‌ତେ ଫାର୍‌ଚିୟଃ ଲାଗାତିଙ୍ଗ୍
 ମେନାଃ । ^{୨୪} ଅକ୍‌ନାଃ ହଡ଼ତେ କା ବାଲୟାକାନା, ଏନ୍‌ଲେକାନ୍
 ମିଆଁଦ୍ ପୁରାଃ ପାବିତାର୍ ଠାୟାଦ୍‌ତେ ଖ୍ରୀଷ୍ଟ୍ ସେନାକାନାଏ ।
 ଏନା ସାର୍‌ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକ୍‌ଗି
 ସିର୍ମାତେ ସେନାକାନା, ଏନ୍ତାଃରେ ଆରୁଆଃ ନାଗେନ୍ତେ ନାହାଁଃ
 ପାର୍‌ମେଶ୍ଵାର୍‌ଆଃ ହେପାଦ୍‌ରେ ମେନାଲୟା । ^{୨୫} ଯିହୁଦୀ ମାରାଙ୍ଗ୍
 ଯାଜାକ୍ ଜେ'ଲେକା ମିଦ୍ ବାରାଷ୍ଟ୍ରେ ମିସା ଜାଁତୁରାଃ ମାୟୋମ୍
 ସାବକେଦ୍‌ତେ ପୁରାଃ ପାବିତାର୍ ଠାୟାଦ୍‌ତେ ସେନା, ଏନ୍‌ଲେକା
 ଇନିଃ ଘାଡ଼ିଘାଡ଼ି ଦାଣେଁ ରାକାବ୍ ନାଗେନ୍ତେ କାଏ ସେନ୍ ।
^{୨୬} ତାଦ୍‌ଦ ଇନିଃକେ ଅତେଦିଶ୍ଵମ୍‌ରାଃ ବାଲୟଃ ହୁଲାଙ୍ଗ୍‌ତାଃଏତେ
 ପୁରାଃଗି ଦୁକୁ ସାହାତିଙ୍ଗ୍ ହବାକାନ୍‌ତେୟାଃ । ମେନ୍‌ଦ୍ ଚୁଣ୍ଡୁ
 ଦିପିଲିରେ ଇନିଃ ଆପାନ୍‌କେ ଦାଣେଁ ରାକାବ୍ ହରାତେ ଜାନାଅ
 ଯୁଗ୍ ନାଙ୍ଗ୍ ପାପ୍‌ରାଃ ପେଡ଼େଃକେ ଜିୟନେ ନାଗେନ୍ତେ ହିଜୁଃକାନ୍
 ତାଇକେନାଏ । ^{୨୭} ସବେନ୍ ହଡ଼କଆଃ ମିସାଗି ଗନଏଃ ହବାଅଃଆ
 ଆଡ଼ ଏନ୍ ତାୟମ୍‌ତେ ପାର୍‌ମେଶ୍ଵାର୍‌ଆଃ ବିତାର୍ ହବାଅଃଆ ।
^{୨୮} ଏନ୍‌ଲେକାଗି ପୁରାଃ ହଡ଼କଆଃ ପାପ୍ ସାଙ୍ଗିନେ ନାଗେନ୍ତେ ଖ୍ରୀଷ୍ଟ୍
 ମିସାଗି ଦାଣେଁୟାନା । ଇନିଃ ଆଡ଼ଃମିସାଏ ହିଜୁଃଆ, ଇମ୍‌ତା ପାପ୍
 ନାଗେନ୍ତେଦ ବାନଃଗି, ମେନ୍‌ଦ୍ ଆଇଃକ୍‌କେ ନେଲ୍‌ହରାଇ ତାନ୍‌କକେ
 ଜୀଉବାଞ୍ଚାଅ ନାଗେନ୍ତେ ହିଜୁଃଆ ।

୧୦

^୧ ଯିହୁଦୀକଆଃ ଆନ୍‌ରୁ ହିଜୁଃତାନ୍ ବୁଗିନ୍ ସାର୍‌ତି ବିଷାଏରେୟାଃ
 ମିଆଁଦ୍ ଉମ୍‌ଲୁ ଲେକାନାଃ ତାନାଃ । ସବେନ୍ ଇମ୍‌ତା ବାରାଷ୍ଟ୍ରେ
 ବାରାଷ୍ଟ୍ ଏନ୍ ମିଦ୍ ରାକାମ୍ ଦାଣେଁ ରାକାବଃତାନା । ଅକନ୍‌କ
 ପାର୍‌ମେଶ୍ଵାର୍‌ଆଃ ହେପାଦ୍‌ତେ ହିଜୁଃଆକ, ଆଇନ୍‌ରେୟାଃ ଏନ୍
 ସବେନ୍ ଦାଣେଁ ହରାତେ ଇନ୍‌କୁ ଚିନାଃ ପକ୍‌ତା ଦାଡ଼ିୟଃତାନାକ
 ? ^୨ ନେ'ଲେକାତେ ପାର୍‌ମେଶ୍ଵାର୍‌ଆଃ ସେଞ୍ଜାତାନ୍‌କ ପାପ୍‌ହେତେ
 ସାର୍‌ତି ବିବେକ୍‌ରେ ଫାର୍‌ଚି ଦାଡ଼ିୟଃତେୟାଃକରେଦ୍, ଇନ୍‌କୁ
 ଆପାନ୍‌କେ ପାପି ମେନ୍ତେ କାକ ଆବ୍‌କାରେନ୍ତେୟାଃ ଆଡ଼ ସବେନ୍
 ଦାଣେଁ ହବାଅଃତେୟାଃ । ^୩ ମେନ୍‌ଦ୍ ଏନ୍‌ଲେକା କା ହବାକେଦ୍‌ତେ

ବାରାଷ୍ଟକେ ବାରାଷ୍ଟ ଦାଣ୍ଡେ ରାକାବ୍ ହରାତେ ହତୁକକେ ଆକଥାଃ
ପାପକେ ପାହାମ୍‌ଇଚିକ ତାନା । ୪ ଚିୟାଠି ସାଁଣ୍‌କଥାଃ ଆତଃ
ମେରମକଥାଃ ମାୟୋମ୍‌ତେ ପାପ୍ କା ସାଞ୍ଜିନ୍ ଦାଡ଼ିୟଃଆ ।

* ଏନାମେନ୍ତେ ଖ୍ରୀଷ୍ଟ ଅତେଦିଶୁମ୍‌ତେ ହିଜୁଃ ସିଦାରେ
ପାର୍‌ମେଶ୍ୱାର୍‌କେ କାଜିକିୟା,

“ଆମ୍ ଦାଣ୍ଡେ ଆତଃ ଦାନ୍ ଏମ୍‌କରେ କାମ୍ ସୁକୁଃଆ,
ମେନ୍‌ଦ ଆଇଁୟାଃ ନାଗେନ୍ତେ ମିଆଁଦ୍ ହଡ଼ମ୍ ସେକାଡ଼ାକାଦାମ୍
।

୨ ପାପକ ସାଞ୍ଜିନେ ନାଗେନ୍ତେ ଆମ୍ ବେଦି ଚେତାନ୍‌ରେ ଉରୁବ୍ ଦାଣ୍ଡେ
ଚାଏ ଜାଁତୁକଥାଃ ଦାଣ୍ଡେରେ କାମ୍ ସୁକୁଃଆ ।

୩ ଏନାତେ ଆଇଙ୍ଗ୍ କାଜିକିୟାଇଙ୍ଗ୍,
ଆନ୍‌ରୁ ପୁଥ୍‌ରେ ଆଇଁୟାଃ ବିଷାଏ ଅଲ୍‌କାନା,
ହେ ପାର୍‌ମେଶ୍ୱାର୍, ଆମାଃ ମନେଲେକା କାମି ନାଗେନ୍ତେଇଙ୍ଗ୍
ହିଜୁଆକାନା ।”

୮ ସିଦାତେ ଇନିଃ କାଜିକେଦାଏ, “ଆମ୍ ହଡ଼ରାଃ ପାପ୍ ସାଞ୍ଜିନେ
ନାଗେନ୍ତେ ଦାଣ୍ଡେରାକାବ୍ ଚାଏ ଦାନ୍ ଏମ୍ ଆତଃ ବେଦି ଚେତାନ୍‌ରେ
ଜାଁତୁକଥାଃ ଉରୁବ୍ ଦାଣ୍ଡେକ କାମ୍ ଆସିୟା, ଏନ୍ ସବେନାଃରେ
ଆମାଃ ସୁକୁ ବାନଃଆ ।” ନେ ସବେନ୍ ଦାଣ୍ଡେ ମୁଶାରାଃ ଆନ୍‌ରୁ
ଲେକାତେ ହବାଅଃ ତାଇକେନ୍‌ରେୟ, ଇନିଃ ନେ ଲେକାଏ କାଜିକାଦ୍
ତାଇକେନା । ୯ ଏନ୍ତେ ଇନିଃ କାଜିକେଦାଏ, “ହେ ପାର୍‌ମେଶ୍ୱାର୍,
ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା
।” ଏନାତେ ପାର୍‌ମେଶ୍ୱାର୍ ସିଦା ଦାଣ୍ଡେରାକାବ୍‌ତେୟାଃକେ
ଆତମ୍‌କେଦ୍‌ତେ, ଏନାରେୟାଃ ବାଦ୍‌ଲ୍‌ରେ ଖ୍ରୀଷ୍ଟ୍‌ଆଃ ଦାଣ୍ଡେକେ
ଦହକେଦା । ୧୦ ଚିୟାଠି ଯୀଶୁ ଖ୍ରୀଷ୍ଟ୍ ମିସାଗି ଆୟାଃ ହଡ଼ମ୍‌କେ
ସବେନ୍‌କଥାଃ ନାଙ୍ଗ୍ ଦାନ୍ ଏମ୍‌କେଦ୍‌ତେ ପାର୍‌ମେଶ୍ୱାର୍‌ଆଃ
ମନେଲେକାଏ କାମିକେଦା, ଏନାତେ ଆରୁ ସବେନ୍‌କ ପାପ୍‌ହେତେ
ଫାର୍‌ଚିୟାକାନାରୁ ।

୧୧ ଯିହୁଦୀ ଯାଜାକ୍‌କ ସବେନ୍ ହୁଲାଙ୍ଗ୍ ଆକଥାଃ ସୁସାରୁ କାମି
ନାଗେନ୍ତେ ଆତଃ ଘାଡ଼ିଘାଡ଼ି ଏନ୍ ମିଦ୍‌ରାକାମ୍‌ଗି ଦାଣ୍ଡେରାକାବ୍
ତାନାକ, ମେନ୍‌ଦ ନେ ସବେନ୍ ଦାଣ୍ଡେରାକାବ୍ ହରାତେ ଚିଉଲାଅ

ପାପ୍ କା ସାଙ୍ଗିନଃଆ । ୧୨ ମେନ୍ଦ୍ ଖ୍ରୀଷ୍ଟ୍ ପାପ୍ ନାଗେନ୍ତେ ମିସାଗି ଦାଣ୍ଡେୟାନ୍ତି ଜାନାଅ ଜାନାଅ ନାଗେନ୍ତେ ପାର୍ମେଶ୍ଵାର୍ଆଃ ଜମ୍ତିଃସାଃରେ ଦୁଦ୍ୟାନା । ୧୩ ପାର୍ମେଶ୍ଵାର୍ ଆୟାଃ ବାଇରିକକେ ପୁରା ଆଡରି ହାରାଅକ ଜାକେଦ୍ ଇନିଃ ଏନ୍ତାଃରେଗି ନେଲ୍ ହରାତାନା । ୧୪ ମିଆଁଦ୍ ଦାଣ୍ଡେରାକାଦ୍ ହରାତେ ଅକନ୍ଦ୍ ପାପ୍ହେତେ ଫାର୍ତିୟାକାନାକ, ଇନ୍ଦ୍କୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍ତାକାଦ୍କଆ ।

୧୫ ଆଡଃ ପାବିତାର୍ ଆମ୍ବାହଗି ଆବୁକେ ଇନିୟାଃ ଗାଞ୍ଜା ଏମ୍କେଦ୍ତେ କାଜିକାଦା,

୧୬ “ପ୍ରାଭୁ କାଜିୟାଃଏ,
 ହିନ୍ଦୁଃ ଦିପିଲିକରେ ଆଇଙ୍ଗ୍ ଇନ୍ଦ୍କୁଲଃ ନେ ନାଞ୍ଜା ରାଜିନାମା ବାଇୟାଇଙ୍ଗ୍,

ଆଇଙ୍ଗ୍ ଆଇୟାଃ ଆନ୍ଦ୍ରେକେ ଇନ୍ଦ୍କୁଆଃ ମନ୍ଦ୍ସୁରୁଦ୍ରେଇଙ୍ଗ୍ ଦହୟା ଆଡଃ ଆକଆଃ ମନ୍ଦ୍ରେଇଙ୍ଗ୍ ଅଲେୟା ।”

୧୭ ଇନିଃ ଆଡଃଗି କାଜିୟାଃ, “ଆଇଙ୍ଗ୍ ଇନ୍ଦ୍କୁଆଃ ପାପ୍କ ଆଡଃ ଏଡକାନ୍ କାମିକ କାଇଙ୍ଗ୍ ପାହାମେୟା ।” ୧୮ ଏନାତେ ଇନ୍ଦ୍କୁ ଛାମା ନାମାକାଦ୍ରେଦ୍, ପାପ୍ ଛାମା ନାଗେନ୍ତେ ଆଡଃମିସା ଦାଣ୍ଡେରାକାଦ୍ କା ଲାଗାଡିଙ୍ଗ୍ୟାଃ ।

ପାର୍ମେଶ୍ଵାର୍ଆଃ ହେପାଦ୍ତେ ହିନ୍ଦୁଃକାବୁ

୧୯ ଏନାତେ ହେ ହାଗା ମିଗିକ, ଯ୍ଯୀଶୁଆଃ ଗନଏଃ ହରାତେ ଆବୁ ପୁରାଃ ପାବିତାର୍ ଠାୟାଦ୍ରେ ବଲ ନାଗେନ୍ତେ ପୁରା ଆକ୍ତେୟାର୍ବୁ ନାମାକାଦା । ୨୦ ପାବିତାର୍ ଆଡଃ ପୁରାଃ ପାବିତାର୍ ଠାୟାଦ୍ରେୟାଃ ହାନାଟିଙ୍ଗ୍ ଆଲାରେ ତୁଙ୍ଗାକାନ୍ ଦାନାଙ୍ଗ୍ଲିଜାଃ ହରାତେ ବଲ ନାଙ୍ଗ୍ ଯ୍ଯୀଶୁଆଃ ଗନଏଃ ହରାତେ ଆବୁଆଃ ନାଙ୍ଗ୍ ମିଆଁଦ୍ ଜାନିଦ୍ରାଃ ନାଞ୍ଜା ହରା ନିଜାକାନା । ୨୧ ପାର୍ମେଶ୍ଵାର୍ଆଃ ଅଡଃ ନାହାଁଃ ଆବୁଆଃ ମାରାଙ୍ଗ୍ ଯାଜାକ୍ଆଃ ଜିମାରେ ମେନାଃ । ୨୨ ଏନାତେ ଆବୁ ଫାର୍ତି ମନ୍ଦ୍ସୁରୁଦ୍ତେ ଆଡଃ ସାର୍ତି ବିଶ୍ଵାସ୍ଲଃ ପାର୍ମେଶ୍ଵାର୍ଆଃ ହେପାଦ୍ତେବୁ ସେନା, ଚିଆଃଗି ଆବୁ ନାହାଁଃ ଚିଟାକାନ୍ ବିବେକ୍ହେତେ ଖ୍ରୀଷ୍ଟ୍ଆଃ ମାୟେମ୍ତେ ଫାର୍ତିକାନାବୁ ଆଡଃ ଆବୁଆଃ ହଡ୍ମ୍ ନିରାଲ୍ ଦାଆଃରେ ଆବୁଙ୍ଗ୍କାନା ।

୨୩ ଆବୁଆଃ ଅକନ୍ ଆସ୍ରା ମେନାଃ ମେନ୍ତେ କାଜିତାନାବୁ, ଏନାରେ ଆବୁ ପୁରାଃ ପକ୍ତାକେଦ୍‌ତେ ତାଇନ୍ ଲାଗାତିଙ୍ଗୟାଃ, ଚିୟାଃତି ଆବୁ ପାର୍‌ମେଶ୍ୱାର୍‌ଆଃ ବାନାର୍‌ସାରେ ପାତିୟାର୍ ଦାଡ଼ିୟାବୁ । ୨୪ ଦୁଲାଡ଼୍ ଆତଃ ବୁଗିନ୍ କାମି ନାଗେନ୍ତେ ମିହୁଡ଼୍ ଆତଃମିହୁଡ଼୍‌ଲଃ ଦେଙ୍ଗାଞ୍ଜାଃରୁ । ୨୫ ଅକନ୍‌କ କାଲିସିୟାରେ ହୁଣ୍ଡିୟଃ ନାଗେନ୍ତେ କାକ ସାନାଙ୍ଗତାନା, ଇନ୍‌କୁଆଃ ଲେକା ଆବୁ କାବୁ କାମିୟା । ମେନ୍‌ଦ ପ୍ରାଭୁଆଃ ହିନିନ୍‌ହୁ ହୁଲାଙ୍ଗ୍ ନାଡ଼େଜଃ ତାନା ମେନ୍ତେ ସାରିକେଦ୍‌ତେ ମିହୁଡ଼୍ ଆତଃମିହୁଡ଼୍‌ଆଃ ଜୀଉରେ ରାସ୍‌କା ଏମ୍‌ତାନଲଃ ତାଇନାଃରୁ ।

୨୬ ଆବୁତାଃରେ ସାନାର୍‌ତି ଉଦୁବ୍‌ୟାନ୍ ତାୟମ୍‌ତେ ଆବୁ ସାରି ସାରିଗି ପାପ୍ କାମିରେ ତାଇନାଃବୁରେଦ୍, ଆତଃ ଜେତାନ୍ ଦାଣ୍ଠି ଆବୁକେ ପାପ୍‌ହେତେ ରାଡ଼ା କାଏ ଦାଡ଼ିୟା । ୨୭ ତାବ୍‌ଦ୍, ଆବୁ ହିନ୍‌ହୁତାନ୍ ମାରାଙ୍ଗ୍ ବିଚାର୍‌ରେ ପାର୍‌ମେଶ୍ୱାର୍‌ଆଃ ବିରୁଧ୍‌ରେ କାଜିକଟଙ୍ଗ୍ ହଡ଼କ ନାଗେନ୍ତେ ତାଇନ୍‌କାନ୍ ପୁରାଃଗି ସେଙ୍ଗେଲ୍‌ରେ ଜିୟନଃ ଦାସାକେ ବରକେଦ୍‌ତେ ତାଜିତେୟାଃଏତେ ଆବୁଆଃ ଏଟାଃ ଦାସା ବାନଃଆ । ୨୮ ଜେତାଏ ମୁଣା ନାବୀଆଃ ଆନ୍‌ତୁ କାଏ ମାନାତିୟେଆ ଆତଃ ବାରିଆ ଚାଏ ଏନାଏତେ ଆଦ୍‌କା ଗାଞ୍ଜା ଏମ୍ ହଡ଼କଆଃ ଗାଞ୍ଜାତେ ଇନିଃ ଗୁନ୍ନା ମେନ୍ତେ କାଜିୟଃଆ, ଆତଃ ଇନିଃକେ କା ଲିନିବୁଇକେଦ୍‌ତେ ଗନଏଃ ସାଜାଇ ଏମାଃଏ । ୨୯ ତାବ୍‌ଦ୍ ଉଡ଼୍‌ଷୁଲେପେ, ଜେତାଏ ପାର୍‌ମେଶ୍ୱାର୍‌ଆଃ ହନ୍‌କେ ହିଲାଙ୍ଗ୍‌ଇତାନା ଆତଃ ପାର୍‌ମେଶ୍ୱାର୍‌ଆଃ ନାଞ୍ଜା ରାଜିନାମାରେୟାଃ ମାୟୋମ୍ ହରାତେ ପାପ୍‌ହେତେ ଫାର୍‌ଟିକାନ୍ ତାଇକେନ୍‌ରେୟ୍, ଇନିଃ ଏନାକେ ହିଲାଙ୍ଗ୍‌ୟେତାନା ଆତଃ ସାୟାଦ୍ ଏମ୍‌ନିଃ ପାବିତାର୍ ଆମ୍‌କେ କା ମାନାତିଙ୍ଗ୍‌ରେଦ୍, ଇନିଃ ଚିମିନ୍ ପୁରାଃଗି ସାଜାଇ ନାମେ ଲେକାଏ ହବାଅଃଆ ? ୩୦ ଚିୟାଃତି “ଆଇୟାଃ ବାଦ୍‌ଲା ଇଦିରେୟାଃ ଆକ୍‌ତେୟାର୍ ମେନାଃ, ଆଇଙ୍ଗ୍ ସାଜାଇ ଏମ୍‌ନିଃ ତାନିଙ୍ଗ୍” ନେ କାଜି କାଜିକେଦ୍‌ନିଃକେ ଆବୁ ସାରିତାନାବୁ । ଇନିଃ ଆତଃଗି କାଜିକାଦା, “ପ୍ରାଭୁ ଆୟାଃ ହଡ଼କକେ ବିଚାର୍‌କଆ ।” ୩୧ ଜାନିଦ୍ ପାର୍‌ମେଶ୍ୱାର୍‌ଆଃ ବିଚାର୍‌ରେ ତିଙ୍ଗ୍‌ନ୍‌ତେୟାଃ ଚିମିନ୍ ବରଞ୍ଜାନ୍‌ଗିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ,

ପାରମ୍ପୋଶ୍ଵାଋଆଃ ମାର୍ଯ୍ୟାଲ୍ ନାମକେଦ୍ ତାୟମ୍ତେ, ଆପେ ଚିମିନ୍
ରାକାମ୍ପରେୟାଃ ଦୁକୁ ସାସାତିପେ ନାମକେଦା, ଏନ୍ରେୟ ଆପେ
କାପେ ହାରାଅୟାନା । ୩୩ ମିସା ମିସାଦ ଆପେ ହଡକଆଃ ଆୟାରରେ
ହିଲାଙ୍ଫଆଃ ଲେକା ଆତଃ ଦୁକୁତେ ଲାନ୍ଦାଅଃ ଲେକାପେ ହବାୟାନା
। ଏନ୍ଲେକାତେ ଆପେ ଅକନ୍ ହଡକ ନେଲେକା ସାହାତିଙ୍ଫ
ତାଲକେନାକ, ଇନ୍କୁଲିଃ ମେସା ନାଗେନ୍ତେ ସେକାଡ଼ୟାନାପେ
। ୩୪ ଆପେ ଜେହେଲାନକନ୍‌କଆଃ ଦୁକୁ ହାସୁରେପେ ଦୁକୁୟାନା
ଆତଃ ଆପେୟାଃ ଖୁଜ୍ କ ସବେନାଃ ରେଃକ୍‌କଦିୟାନା, ଇମ୍ତା
ଆପେ ରାସକାତେ ସାହାତିଙ୍ଫକେଦାପେ, ଚିୟାଃଚି ଆପେୟାଃ
ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଜ୍ ମେନାଃ, ଏନାପେ
ସାରିକାଦା । ୩୫ ଏନାମେନ୍ତେ ଆପେ ଜୀଉରେ କେଟେଦ୍‌କାଦ୍‌ତେୟାଃ
ଆଲ୍‌ପେ ଆଦେୟା, ଚିୟାଃଚି ଏନାରେ ପୁରାଃଚି ନାଲା ନାମଃଆ
। ୩୬ ପାରମ୍ପୋଶ୍ଵାଋଆଃ ମନେ ପୁରାକେଦ୍‌ତେ, ଇନିଃ ଏମାବୁଆଏ
ମେନ୍ତେ ବାନାର୍‌ସା ଏମାକାଦାଏ, ଏନାକେ ନାମେ ନାଙ୍ଫ ଧୂରାଜ୍
ସାବ୍‌କେଦ୍‌ତେ ତାଲନ୍‌ପେ । ୩୭ ଚିୟାଃଚି ଧାରାମ୍ ପୁଥୁରେ ଅଲାନାନା,
“ଆତଃ କାଚିଃ ଘାଡ଼ିକାଦ୍ ତାଙ୍ଫିପେ,

ଅକଏୟାଃ ହିନିଦୁଃରାଃ ମେନାଃ,

ଇନିଃ ହିଦୁଃଆଏ, କାଏ ବିଲାମେୟା,

୩୮ ଆଇୟାଃ ଧାରମାନ୍ ହଡ ବିଶ୍ଵାସ୍ ହରାତେ ବାଞ୍ଚାଅଃଆ,

ମେନ୍‌ଦ ଜେତାଏ ତାୟମ୍‌ତେ ରୁହାଡ଼ନିଃକେ

ଆଇଙ୍ଫ କାଇଙ୍ଫ ସୁକୁଃଆ ।”

୩୯ ଆଲେ ଦୟା ରୁହାଡ଼କେଦ୍‌ତେ ଜିୟନଃ ଲେକାନ୍ ହଡକ
ନାହାଁଲାଲେ, ମେନ୍‌ଦ ପୁରାଃ ବିଶ୍ଵାସ୍‌କାଦ୍ ଆତଃ ଜୀଉ ବାଞ୍ଚାଅ
ନାମାକାଦ୍ ହଡକ ତାନ୍‌ଲେ ।

୧୧

ବିଶ୍ଵାସ୍‌ରେୟାଃ ନାମୁନା

୧ ଆବୁ ଆସ୍ଵାକାଦ୍‌ତେୟାଃ ନାମ୍‌ୟାନା ମେନ୍ତେ ସାରିତେୟାଃ ଆତଃ
କା ନେଲଃତାନ୍‌ତେୟାଃରାଃ ସାର୍‌ତି ସେଣାଁଗି ବିଶ୍ଵାସ୍ ତାନାଃ । ୨ ସିଦା
ଦିପିଲିରେନ୍ ପ୍ରାଚିନ୍‌କ ଆକଆଃ ବିଶ୍ଵାସ୍ ହରାତେ ପାରମ୍ପୋଶ୍ଵାଋଆଃ
ମାଇନ୍ ନାମେ ଲେକାକ ହବାୟାନା ।

୩ ✧ ପାର୍ମେଶ୍ଵରୀଆଃ ଆନାତୁତେ ନେ ଅତେଦିଶୁମ୍ ବାଇୟାନା ଆତଃ କା ନେଲଃତେୟାଃଏତେ ନେଲଃତେୟାଃ ବାଇୟାନା, ନେ କାଜି ବିଶ୍ଵାସ୍ତେ ଏସ୍କାର୍ ଆବୁ ସାରିତାନାବୁ ।

୪ ବିଶ୍ଵାସ୍ ହରାତେ ହାବିଲ୍ ପାର୍ମେଶ୍ଵରୀଆଃ ଆୟାରରେ କୟିନ୍ଏତେ ପୁରାଃ ବୁଗିନ୍ ଦାଗେଁ ରାକାବ୍କେଦା । ଆୟାଃ ବିଶ୍ଵାସ୍ ହରାତେ ଇନିଃ ଧାର୍ମାନ୍ ମେନ୍ତେ ଉଦୁବେନ୍ୟାନା, ପାର୍ମେଶ୍ଵର ଆଇଃକ୍ଗି ଆୟାଃ ଦାନ୍ ବିଷାଏରେ ଗାଞ୍ଜା ଏମ୍କେଦାଏ, ଆତଃ ଇନିଃ ଗଏଃକାନ୍ରେୟ ବିଶ୍ଵାସ୍ ହରାତେ ତିସିଙ୍ଗ୍ ଜାକେଦ୍ ବାଖାଁଶ୍ତାନାଏ ।

୫ ବିଶ୍ଵାସ୍ ହରାତେ ହନୋକ୍ ବେଗାର୍ ଗନ୍ଏଃତେ ପାର୍ମେଶ୍ଵରୀଆଃ ଜାପାଃତେ ସେନଃୟାନା ଆତଃ ଜେତାଏ ଇନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଥ୍ରେ ଅଲ୍ଲାନା, ହନୋକ୍ ପାର୍ମେଶ୍ଵରୀଆଃ ହେପାଦ୍ତେ ସେନଃ ସିଦାରେ ଆୟାଃ ସୁକୁଆନ୍ ଲେକାଗି ହବାୟାନା ।^୬ ବିଶ୍ଵାସ୍ ବେଗାର୍ ଜେତାଏ ପାର୍ମେଶ୍ଵରୀକେ ସୁକୁ କାଏ ଦାଡ଼ିୟା, ଚିୟାଃଚି ଜେତାଏ ପାର୍ମେଶ୍ଵରୀଆଃ ହେପାଦ୍ତେ ହିଜୁଃଆ ଇନିଃକେ ପାର୍ମେଶ୍ଵର ମେନାଇୟା ମେନ୍ତେ ବିଶ୍ଵାସ୍ ରିକା ଲାଗାତିଙ୍ଗ୍ୟାଃ, ପାର୍ମେଶ୍ଵରୀକେ ଦାଶାଁତାନ୍ ହଡ଼କଆଃ ଆସ୍ତା ପୁରାଏୟାଏ ମେନ୍ତେହିଁ ବିଶ୍ଵାସ୍ ରିକା ଲାଗାତିଙ୍ଗ୍ୟାଃ ।

୬ ବିଶ୍ଵାସ୍ ହରାତେ ନୁହୁଁ ହିଜୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍ମେଶ୍ଵରୀଆଃ ତେନେତାଅ କାଜି ଆୟୁମ୍ ଦାଡ଼ିକେନା । ଇନିଃ ପାର୍ମେଶ୍ଵରୀଆଃ ଆନାତୁ ମାନାତିଙ୍ଗ୍କେଦ୍ତେ ମିଆଁଦ୍ ଜାହାଜ୍ ବାଇକେଦାଏ । ଏନାରେ ଆଇଃକ୍ ଆତଃ ଆୟାଃ ଅଡ଼ାଃରେନ୍କ ବାଞ୍ଚାଅ ଦାଡ଼ିୟାନା । ଆତଃ ଅତେଦିଶୁମ୍ରେନ୍ ହଡ଼କ ସାଜାଇକ ନାମ୍କେଦା, ମେନ୍ଦ୍ ନୁହୁଁ ଆୟାଃ ବିଶ୍ଵାସ୍ ହରାତେ ଧାର୍ମାନ୍ରେୟାଃ ନାଲ୍ଲାଏ ନାମ୍କେଦା ।

୮ ପାର୍ମେଶ୍ଵରୀ ଆବ୍ରାହାମ୍କେ ଅକନ୍ ଦିଶୁମ୍ ଏମାମେୟାଈଙ୍ଗ୍ ମେନ୍ତେ ବାନାର୍ଯା ଏମାକାଇ ତାଇକେନାଏ, ଏନ୍ ଦିଶୁମ୍ତେ ସେନଃ ନାଗେନ୍ତେ ପାର୍ମେଶ୍ଵର କେଡାକିଃ ଇମ୍ତା ଆବ୍ରାହାମ୍ ବିଶ୍ଵାସ୍ତେ ପାର୍ମେଶ୍ଵରୀଆଃ ଆନାତୁ ଆୟୁମ୍କେଦାଏ, ଆତଃ ଆଇଃକ୍କେ କତାଃତେ ସେନ୍ ଲାଗାତିଙ୍ଗ୍ୟାଃ ଏନାହିଁ ବେଗାର୍ ସାରିତେ ଇନିଃ

✧ ୧୧:୩ ୧୧:୩ ଯୋହାନ୍ ୧:୩.

ଆୟାଃ ଦିଶୁମ୍ବକେ ବାଗିକେଦତେ ଅତଙ୍ଗୟାନା । ୯ ଇନିଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ବାନାର୍ସା ଏମାକାଦ୍ ଦିଶୁମ୍ବରେ ଏଟାଃ ଦିଶୁମ୍ବରେନ୍ ଲେକାଏ ତାଇନ୍ୟାନା । ଇନିଃ କୁମ୍ଭାରେ ତାଇନ୍ୟାନା ଆଡ଼ଃ ଆୟାଃ ଲେକା ପାର୍ମେଶ୍ୱାର୍ତେ ବାନାର୍ସା ଏମାକାନ୍ ଇସାକ୍ ଆଡ଼ଃ ଯାକୁବ୍‌ହଗି ଏନ୍‌ଲେକା କୁମ୍ଭାରେ ତାଇନ୍‌କାନ୍ ତାଇକେନାକିନ୍ । ୧୦ ଚିୟାଃଟି ଅକନ୍ ନାଗାର୍ ଜାନାଅରେୟାଃ ନିହ୍‌ଗାତା ତାନାଃ, ଏନାକେ ନାକସା ଏମ୍‌ନିଃ ଆଡ଼ଃ ବାବାଇନିଃ ପାର୍ମେଶ୍ୱାର୍‌ଗି ତାନିଃ । ଆବ୍ରାହାମ୍ ଏନ୍ ନାଗାର୍‌କେ ନେଲ୍‌ହରା ତାଇକେନା ।

୧୧ ସାରା ପୁରାଃଗି ବୁଡିଆକାନ୍ ହରାତେ ଆୟାଃ ହନ୍‌ଗାଁଣା ହବାଅଃରେୟାଃ ପେଡ଼େଃ କା ତାଇକେନ୍‌ରେୟ, ବିଶ୍ୱାସ୍ ହରାତେ ଆବ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନାଏ । ପାର୍ମେଶ୍ୱାର୍ ଆୟାଃ ବାନାର୍ସାକେ ପୁରାଏୟା ମେନ୍ତେ ଆବ୍ରାହାମ୍ ବିଶ୍ୱାସ୍‌କାଦ୍ ତାଇକେନାଏ । ୧୨ ଆବ୍ରାହାମ୍ ଗଜଃଲେକାଏ ତାଇକେନ୍‌ରେୟ, ଆୟାଃତାଃଏତେ ସିର୍ମାରେ ମେନାକ ଇପିଲ୍ ଆଡ଼ଃ ଦରେୟା ଗେନାରେୟାଃ କା ଲେକାଅଃ ଗିତିଲ୍ ଇମ୍‌ନାଙ୍ଗ୍ ହନ୍‌ଗାଁଣାକ ହବାୟାନା ।

୧୩ ଏନ୍ ସବେନ୍‌କ ବିଶ୍ୱାସ୍‌ରେକ ଗଏଃୟାନା । ପାର୍ମେଶ୍ୱାର୍ ଇନ୍‌କୁକେ ବାନାର୍ସା ଏମାକାଦ୍‌କ ତାଇକେନ୍‌ତେୟାଃ ଇନ୍‌କୁ କାକ ନାମ୍ ଦାଡ଼ିକେଦା, ମେନ୍‌ଦ ସାଙ୍ଗିନେତେ ଏନାକେ ନେଲ୍‌କେଦ୍‌ତେକ ଦାରମ୍‌କେଦା, ଆଡ଼ଃ ଇନ୍‌କୁ ଆପାନ୍‌କେ ଏଟାଃ ଦିଶୁମ୍ବରେନ୍ ତାନ୍‌ରୁ ମେନ୍‌ଦ ନେ ଅତେଦିଶୁମ୍ବରେ ତାଇନ୍‌ତାନାରୁ ମେନ୍ତେକ ମାନାଡିଙ୍ଗ୍‌କେଦା । ୧୪ ନେ'ଲେକା କାଜିତାନ୍‌କଦ, ଆଲେ ନାଗେନ୍ତେ ଆଲେୟାଃ ଦିଶୁମ୍ବଲେ ଦାଣାଁତାନା ମେନ୍ତେକ ଉଦୁବେନ୍‌ତାନା । ୧୫ ଇନ୍‌କୁ ବାଗିକାଦ୍ ଦିଶୁମ୍ବକେ ଆଡ଼ଃ କାକ ଉଡ଼ୁ ତାଇକେନା, ଇନ୍‌କୁ ଉଡ଼ୁକାତେ ତେୟାଃକରେଦ, ଏନ୍ତାଃତେ ରୁହାଡ଼୍ ନାଗେନ୍ତେ ହରାକ ନାମାକାତେତେୟାଃ । ୧୬ ମେନ୍‌ଦ ଇନ୍‌କୁ ପୁରାଃ ବୁଗିନ୍ ଦିଶୁମ୍, ଚାଏ ସିର୍ମା ଦିଶୁମ୍‌ତେ ସେନଃ ନାଗେନ୍ତେକ ତେତାଙ୍ଗ୍‌ତାନା । ଏନା ନାଗେନ୍ତେ ଆଇଙ୍ଗ୍ ଇନ୍‌କୁଆଃ ପାର୍ମେଶ୍ୱାରାଇଙ୍ଗ୍ କାଜିୟାଆ ମେନ୍ତେ ପାର୍ମେଶ୍ୱାର୍ କାଏ ଗିହୁଃକାନ୍ ତାଇକେନା, ଚିୟାଃଟି ଇନିଃ ଇନ୍‌କୁ ନାଗେନ୍ତେ ମିଆଁଦ୍ ନାଗାର୍ ବାଇସେକାଡ଼ାକାଦାଏ ।

୧୭ ପାର୍ମେଶ୍ୱାର୍ ଆବ୍ରାହାମ୍‌କେ ବିଡ଼ାଅକିଃ ଇମ୍‌ତା, ବିଶ୍ୱାସ୍‌ତେ

ଆବ୍ରାହାମ୍ ଆୟାଃ ହନକଡ଼ା ଇସାକ୍‌କେ ଦାଣ୍ଠେ ରାକାବ୍ ନାଙ୍ଗ୍ ସେକାଡ଼୍‌ୟାନାଏ । ପାର୍‌ମେଶ୍ୱାର୍ ଆବ୍ରାହାମ୍‌କେଗି ଆୟାଃ ବାନାର୍‌ସା କାଜି ଏମାକାଇ ତାଇକେନାଏ, ଏନରେୟ ଆବ୍ରାହାମ୍ ଆୟାଃ ମିଆଁଦ୍‌ଗି ହନକଡ଼ାକେ ଦାଣ୍ଠେ ରାକାବ୍ ନାଗେନ୍ତେ ସେକାଡ଼୍‌ୟାନା । ୧୮ ପାର୍‌ମେଶ୍ୱାର୍ ଇନିଃକେ କାଜିକିୟା, “ଆଇଙ୍ଗ୍ ଆମ୍‌କେ ଅକନ୍ କିଲି ଏମାମେୟାଈଙ୍ଗ୍ ମେନ୍ତେ ବାନାର୍‌ସା ଏମାକାଦ୍‌ମେୟା, ଏନା ଇସାକ୍ ହରାତେଗିମ୍ ନାମେୟା ।” ୧୯ ପାର୍‌ମେଶ୍ୱାର୍ ଇସାକ୍‌କେ ଗନଏଃହେତେୟ ଜୀଉବିରିଦ୍ ଦାଡ଼ିୟାଏ, ନେ ବିଶ୍ୱାସ୍ ଆବ୍ରାହାମ୍‌ଆଃ ତାଇନକେନା । ଆତଃ ସାରତି କାଜିଲେରେ, ଆବ୍ରାହାମ୍ ଜନ୍‌କା ଲେକା ଇସାକ୍‌କେ ଗନଏଃହେତେ ନାମ୍ ରୁହାଡ଼କିୟା ।

୨୦ ଇସାକ୍ ଆୟାଃ ବିଶ୍ୱାସ୍ ହରାତେ ଯାକ୍‌ବ୍ ଆତଃ ଏଷୌକେ ହିନ୍ତୁଃ ଦିପିଲି ନାଙ୍ଗ୍ ଆଶିଷ୍‌ବେନାଈଙ୍ଗ୍ ମେନ୍ତେ ବାନାର୍‌ସାଏ ଏମାଦକିନା ।

୨୧ ବିଶ୍ୱାସ୍ ହରାତେଗି ଯାକ୍‌ବ୍ ଗନଏଃ ସିଦାରେ ଯୋଷେଫ୍ ଆୟାଃ ବାରାନ୍ ହନକିନ୍‌କେ ଆଶିଷ୍‌କେଦକିନା । ଇନିଃ ଆୟାଃ ସେସେନ୍ ସଚାରେୟାଃ ରୁଗିରେ ଅଧିଲ୍‌ଅକେଦ୍‌ତେ ପାର୍‌ମେଶ୍ୱାର୍‌କେ ଜହାରକିୟା ।

୨୨ ଯୋଷେଫ୍ ଆୟାଃ ଗନଏଃ ଇମ୍‌ତାରେ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କଆଃ ମିସାର୍ ଦିଶୁମ୍‌ଏତେ ସେନଃ ବିଷାଏରେ ସିଦାରେ କାଜିକାଦ୍ ତାଇକେନା, ଆତଃ ଆୟାଃ ଗନଏଃ ହଡ଼ମ୍ ଚିକ୍‌ନାଃ ଚିକାଅଃଆ ଏନ୍ ବିଷାଏରେ ଆରୁକାଦ୍ ତାଇକେନା ।

୨୩ ବିଶ୍ୱାସ୍ ହରାତେ ମୁଶା ନାବୀଆଃ ଏଙ୍ଗାଆପୁକିନ୍ ଆୟାଃ ଜାନାମ୍ ଦିପିଲିରେ ଇନିଃକେ ମିଆଁଦ୍ ସୁଗାଡ଼ାନ୍ ହନ୍ ମେନ୍ତେ ନେଲ୍‌କେଦ୍‌ତେ ରାଜା ହୁକୁମାକାଦ୍ ଆନାରୁକେହ୍ କା ମାନାତିଙ୍ଗ୍ ନାଗେନ୍ତେ କାକିନ୍ ବରକେଦା, ଆତଃ ଆପି ଚାଣ୍ଡୁ* ଜାକେଦ୍ ଇନିଃକେକିନ୍ ଉକ୍‌କିୟା ।

୨୪ ମୁଶା ନାବୀ ହାରା ଦାଡ଼ିୟାନ୍ ତାୟମ୍‌ତେ ବିଶ୍ୱାସ୍ ହରାତେ ଫାରୋ ରାଜାରାଃ ହନ୍ତେକୁଡ଼ିରାଃ ହନ୍ ନାହାଁଲିଙ୍ଗ୍ ମେନ୍ତେ କାଜିକେଦା ୨୫ ପାପରେ ତାଇନକେଦ୍‌ତେ କାଟିଃ ଲେକା ସୁକୁ ନାମେତେୟାଃଏତେଦ୍ ପାର୍‌ମେଶ୍ୱାର୍‌ଆଃ ହଡ଼କଲଃ ଦୁକୁ ସାହାତିଙ୍ଗ୍‌ତେୟାଃ ରୁଗିନାଃ ତାନାଃ ମେନ୍ତେ ଇନିଃକେ ସୁକୁକିୟା ।

* ୧୧:୨୩ ୧୧:୨୩ ମାହୁଁନା

। ୨୭ ଇନିଷକେ ମିସାର ଦିଶୁମ୍ରେୟାଃ ସବେନ୍ ଖୁଜ୍ କଏତେ ମାସି ନାଗେନ୍ତେ ନିନ୍ଦାଅଃତେୟାଃ ପୁରାଃ ବୁଗିନାଃ ତାନାଃ ମେନ୍ତେ ଆଡ଼କାରକେଦା, ଚିୟାଃଚି ହିଜୁଃ ଦିପିଲିରେୟାଃ ନାଲୀକେ ହେତାକାଦ୍ ତାଇକେନା ।

୨୮ ମୁଗା ନାବୀ ଆୟାଃ ବିଶ୍ୱାସ୍ ହରାତେ ରାଜାରାଃ ଖୁସ୍କେ କା ବରକେଦ୍ତେ ମିସାର ଦିଶୁମ୍ରେୟାଃ ବାଗିକେଦା, ଆଡ଼ଃ ଇନିଃ କା ନେଲଃ ପାରମେଶ୍ୱାରକେ ନେଲୀକାଇଃ ଲେକାଗି ଆଡ଼କାରକେଦ୍ତେ ହିଜୁଃ ରୁହାଡ଼୍ ନାଗେନ୍ତେ କାଏ ସାନାଜ୍ କେଦା ।

୨୯ ଇସ୍ରାଏଲ୍ରେନ୍ ମୁଡ଼କୁଲ୍ ହନକକେ ଗନଏଃରେନ୍ ଦୁଡ଼ ଆଲକାଏ ଗଏଃକକା ମେନ୍ତେ ଇନିଃ ବିଶ୍ୱାସ୍ ହରାତେ ପାସକା ପାରାବକେ ମାନାତିଜ୍ ନାଗେନ୍ତେ ଆଡ଼ଃ ଦୁଆରରେ ମାୟୋମ୍ ହିରତି ନାଗେନ୍ତେ ଆରୁକେଦା ।

୩୦ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କ ରହଡ଼୍ ଅତେରେ ସେସେନ୍ତାନି ଲେକା ଆରାଃ ଦରେୟାକେକ ସେନ୍ ପାରମ୍ କେଦା, ମେନ୍ଦ ମିସାରରେନ୍ ହଡ଼କ ସେନ୍ ପାରମଃ ତାଇକେନ୍ରେ, ଏନାରେ ତୁବିଃଗ୍ ଗଏଃୟାନାକ ।

୩୧ ବିଶ୍ୱାସ୍ ହରାତେ ଇସ୍ରାଏଲ୍ରେନ୍ ହଡ଼କ ଯିରିହୋ ନାଗାରରେୟାଃ ଭିଡ଼ିରାଃ ଚାରିୟସାଃରେ ସାଡ଼୍ ଦିନ୍ ହନର୍ ବିୟୁରକେଦ୍ ତାୟମତେ ଏନାରେୟାଃ ଭିଡ଼୍ ଉୟୁଃୟାନା । ୩୨ ବିଶ୍ୱାସ୍ ହରାତେ ବେଶ୍ୱା କୁଡ଼ି ରାହାବ୍, ଇସ୍ରାଏଲ୍ରେନ୍ ହଡ଼କକେ ଅକନକତି ଉକୁକେଦ୍ତେ ସେନାକାନି ତାଇକେନାକ, ଇନ୍କୁକେ ଦାରମ୍ କେଦ୍ କ ହରାତେ ପାରମେଶ୍ୱାରକେ କା ମାନାତିଜ୍ ତାନି ହଡ଼କଲଃ କା ଗଏଃକେଦ୍ତେ ବାସ୍ତାଅ ନାମକେଦାଏ ।

୩୩ ଆଡ଼ଃ ଆଦକା ଚିନାଃ କାଜିୟାଇଜ୍ ? ଗିଦିୟନ୍, ବାରାକ୍, ସାମ୍ସନ୍, ଯିପ୍ରାହ୍, ଦାଉଦ୍, ଶାମୁଏଲ୍ ଆଡ଼ଃ ଆୟାରକାଜିକଆଃ ବିଷାଏରେ କାଜିଲେରେ, ନେତା କା ହବାଅଃଆ । ୩୪ ବିଶ୍ୱାସ୍ ହରାତେ ଇନ୍କୁ ଲାଡ଼ାଇକେଦ୍ତେ ରାଇଜକ ଆମ୍ଲାଅକେଦା । ଇନ୍କୁ ପୁରାଃ ବୁଗିନାଃ କାମିକ କାମିକେଦା ଆଡ଼ଃ ପାରମେଶ୍ୱାର୍ ଏମାକାଦ୍ ବାନାରସାକ ନାମକେଦା । ଇନ୍କୁ କୁଲୀକଆଃ ମତାକ ତେପେଦ୍ କେଦା, ୩୫ ସେଜୋଲ୍ରେୟାଃ ପୁରାଃ ଏଲୀଜ୍ କ ହକାକେଦା

† ୧୧:୩୦ ୧୧:୩୦ ପାଢ଼ି

ଆତ୍ମ ଲେସେର ତାରାଉଡ଼ିଏତେକ ବାସ୍ତାଅୟାନା । ଇନ୍ଦ୍ର କା ପେଡ଼େୟାନିକ ତାଇକେନା, ମେନ୍ଦ ପୁରାଃ ପେଡ଼େୟାନିକ ହବାୟାନା, ଲାଡ଼ାଇରେ ଜିତାଅୟାନାକ ଆତ୍ମ ଏଟାଃ ଦିଶୁମରେନ୍ ପାଲ୍‌ଟାନ୍‌କଆଃ ଗାଡ଼କକେ ଧାସୁଡ଼କେଦାକ । ୩୫ ବିଶ୍ୱାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଚୁମ୍‌କକେ ଜୀଉବିରିଦାକାନ୍ ନାମ୍‌ରୁହାଡ଼ କେଦକଆକ । ଏଟାଃକ ପୁରାଃ ବୁଗିନ୍ ଜୀଉବିନିରିଦ୍ ନାମ୍‌ରେୟାଃ ଆସ୍ତାରେ, ରାଡ଼ାନ୍ କା ସାନାଙ୍ଗକେଦ୍‌ତେ ପୁରାଃ ସାସାତିକ ନାମ୍‌କେଦା ।

୩୬ ଚିମିନ୍ ହଡ଼କକେ ଲାନ୍‌କେଦକଆକ, ଆତ୍ମ ଚିମିନ୍‌କକେ ଚାବୁକ୍‌ତେକ ହାଣ୍‌ସାକେଦକଆ, ଆତ୍ମକକେ ସିକିଡ଼ିତେ ତଲ୍‌କେଦ୍‌ତେ ଜେହେଲ୍‌ତେକ ଇଦିକେଦକଆ । ୩୭ ଆତ୍ମ ଚିମିନ୍ ହଡ଼କକେ ଦିରିତେକ ଚିଦ୍‌ଗି ଗଏଃକେଦକଆ ଆତ୍ମ କାରାତ୍‌ତେକ ବାର୍ ହିସାକେଦକଆ, ଆତ୍ମ ତାରାଉଡ଼ିତେକ ଗଏଃକେଦକଆ, ଆତ୍ମ ଅକଏ ଅକଏଦ ମିଣ୍ଡି ଆତ୍ମ ମେରମ୍‌କଆଃ ଉହୁର୍ ତୁସିଙ୍ଗକେଦ୍‌ତେ ନାରାଦୁରାଗି, ସାସାତି ଆତ୍ମ ସିଗିଦ୍‌ୟାନିଲ୍‌ଃ ନେତେ ହାନ୍ତେକ ହନର୍‌ବାଡ଼ା ତାଇକେନା । ୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶୁମ୍‌ରେ ବୁଗିନ୍ ଠାୟାଦ୍ କା ତାଇକେନା । ଇନ୍ଦ୍ର କା ଚିହ୍ନାନ୍ ହଡ଼ ଲେକା ହନର୍‌ତାନିଲ୍‌ଃ ବିର୍ରେ, ବୁରୁରେ, ଆତ୍ମ ଅତେରେୟାଃ ଲାପାଙ୍ଗା ଆତ୍ମ ସୁରୁଙ୍ଗ୍‌ରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ୱାସ୍ ହରାତେ ମାଈନ୍ ନାମ୍‌ଲେକାକ ହବାକାନା । ଏନ୍‌ରେୟ ଇନ୍ଦ୍ର ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ କାକ ନାମ୍‌କେଦା, ୪୦ ଚିୟାଃତି ପାର୍‌ମେଶ୍ୱାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାଟ୍‌କାଦ୍ ତାଇକେନା । ଇନ୍ଦ୍ର ଆବୁଲ୍‌ଃ ଏସ୍‌କାର୍ ପକ୍‌ତାଃଅକାକ ମେନ୍ତେ ଆୟାଃ ଇଛାସାନାଙ୍ଗ୍ ତାଇକେନା ।

୧୨

ପାର୍‌ମେଶ୍ୱାର୍ ଆବୁଆଃ ଆପୁ

୧ ନେ'ଲେକା ଗାଝାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟସାଃରେ ମେନାକଆ, ଏନାମେନ୍ତେ ମାର୍ ହିଜୁଃପେ, ଆବୁ ନିରେତାନ୍ ଇମ୍‌ତା ଅକ୍‌ନାଃ ଆବୁକେ ଛେକାଦ୍‌ବୁତାନା ଆତ୍ମ

କେଟେୟାନ୍‌ଗି ସାବ୍‌ବୁତାନ୍ ପାପକେ ବାଗିତାନ୍‌ଲଃ, ଦଲ୍ଲାବୁ, ଏନ୍ତାଃତେ ନିର୍ ସେଟେରେ ନାଙ୍ଗ୍ ଧୂରାଜ୍ ସାବ୍‌କେଦ୍‌ତେ ଆରୁଆଃ ଆୟାର୍‌ରେୟାଃ ନିର୍‌ରେ ହରାରେବୁ ନିର୍‌ରେୟା । ^୨ ଅକନ୍ ଯାଶୁକେ ଆବୁ ମୁନ୍‌ଏତେ ତୁଣ୍ଡୁ ଜ୍ଞାକେଦ୍ ବିଶ୍ୱାସ୍‌କାଲ୍‌ଜାବୁ, ଇନିୟାଃ ଚେତାନ୍‌ରେଗି ଆରୁଆଃ ମେଦ୍ ଦହକାନ୍‌କା । ଇନିଃ କୁଶ୍‌ରାଃ ବରତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍‌ଦ ହିଜୁଃ ଦିପିଲିରେ ଆୟାଃ ନାଙ୍ଗ୍ ଅକନ୍ ରାସ୍‌କା ମେନାଃ, ଏନା ନାଗେନ୍ତେ କୁଶ୍‌ରେୟାଃ ଗନ-ଏଃକେ ଇନିଃ ବାନଃ ମେନ୍ତେ କାଏ କାଜିକେଦା, ଆତଃ ନାହାଁଃ ଇନିଃ ପାର୍‌ମେଶ୍ୱାର୍‌ଆଃ ରାଜ୍‌ଗାଦିରେୟାଃ ଜମ୍‌ସାଃରେ ଦୁବାକାନା ।

^୩ ଇନିଃ ପାପିକତାଃଏତେ ଚିମିନ୍ ପୁରାଃଗି ହିଲ୍‌ଲାଙ୍ଗ୍‌ୟାନା ଆତଃ ଚିମିନ୍‌ଗି ଦୁକୁ ସାହାତିଙ୍ଗ୍‌କେଦା, ଏନା ଉଡ଼ୁଲେପେ ! ଏନାତେ ଆପେ ଆପେୟାଃ ମନ୍‌ରେ ଆଲ୍‌ପେ ହୁଡ଼ିଙ୍ଗ୍‌ଜୀଉଃଆ ଆତଃ ଆଲ୍‌ପେ ଲାଗାଉତାରଃଆ । ^୪ ଚିୟାଃଚି ଆପେକେ ପାପ୍ ବିରୁଧ୍‌ରେ ଲାଡ଼ାଇକେଦ୍‌ତେ ନାହାଁଃ ଜାକେଦ୍ ମାୟୋମ୍ ଲିଙ୍ଗିୟଃ ଲେକା ଆଉରିପେ ହବାଅଃଆ । ^୫ ପାର୍‌ମେଶ୍ୱାର୍ ଆୟାଃ ହନ୍‌କ ଲେକା ଆପେକେ ଅକ ଜୀଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାକାଦାପେ ?

“ଏ ଆଇୟାଃ ହନ୍, ପ୍ରାଭୁଆଃ ଚେନେତାଅ କାଜିକେ ରାଝାଲାନ୍ କାଜିଲେକା ଆଲ୍‌ମ୍ ଆଟ୍‌କାରେୟା,
ତାଏ ଇନିଃ ଆମ୍‌କେ ଏଗେର୍‌ମେ ଇମ୍‌ତା ଆଲ୍‌ମ୍ ହୁଡ଼ିଙ୍ଗ୍‌ଜୀଉଃଆ ।

^୬ ଚିୟାଃଚି ପ୍ରାଭୁ ଜେତାଏକେ ଦୁଲ୍‌ତାଃଏ, ଇନିଃକେ ଚେତାଅଆଃ, ଆତଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ ।”

^୭ ଆପେୟାଃ ଦୁକୁହାସୁକେ ପାର୍‌ମେଶ୍ୱାର୍‌ଆଃ ସାଜାଇତାନାଃ ମେନ୍ତେ ଆଟ୍‌କାର୍‌କେଦ୍‌ତେ ସାହାତିଙ୍ଗ୍‌ୟେପେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍‌ଅ ସାଜାଇ କା ନାମାକାଦ୍ ଜେତା ହନ୍ ମେନାଲ୍‌ୟା ଚି ? 「 ମେନ୍‌ଦ୍ ଆପେ ସବେନ୍‌କ ଆୟାଃ ହନ୍‌କ ଲେକା ସାଜାଇ କାପେ

ନାମାକାଦରେଦ, ଆପେ ସାର୍ତ୍ତି ହନ୍ ନାହାଁଲାପେ, ମେନ୍ଦ ଲାମ୍ବି* ହନ୍ତାନପେ । ୯ ଅତେଦିଶ୍ୱମରେନ୍ ଆବୁଆଃ ଆପୁକ ଆବୁକେ ସାଜାଇ ଏମାବୁତାନରେୟ, ଆବୁ ଇନ୍କୁକେ ମାଇନକ ତାନାବୁ, ତାବଦ ଆବୁଆଃ ଆମ୍ବିକ୍ ଆପୁଆଃ ଚେନେତାଅରେ ଜାନିଦ୍ ତାଇନଃ ନାଙ୍ଗ୍ ଚିମିନ୍ ଆଦକା ବୁଗିନ୍ ତାଇନ୍ ଲାଗାତିଙ୍ଗ୍ୟାଃ ! ୧୦ ଅତେଦିଶ୍ୱମରେନ୍ ଆବୁଆଃ ଆପୁକଆଃ ନେପେଲରେ ଅକନାଃ ଠାଉକାଗିୟା, ଏନ୍ଲେକାଗି ଆବୁକେ କାଟିଃ ଘାଡ଼ିକାଦ୍ ନାଙ୍ଗ୍ ସାଜାଇ ଏମାଦ୍ବୁତାନାକ, ମେନ୍ଦ ଆବୁ ପାର୍ମେଶ୍ୱାର୍ଆଃ ପାବିତାରରେୟାଃ ହାନାଟିଙ୍ଗ୍ବୁ ନାମେକା ମେନ୍ତେ ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃ । ୧୧ ସାଜାଇ ନାମେ ଇମ୍ବତା ଆବୁକେ ଦୁକୁ ଆଟିକାରାଃ, ସୁକୁ କା ଆଟିକାରାଃ । ମେନ୍ଦ ସାଜାଇ ନାମକେଦତେ ଅକନକ ଆକଆଃ ଜୀଦାନ ବାଇୟାକାଦକ, ଇନ୍କୁ ତାୟମ୍ତେ ଜୀଉସୁକୁରେୟାଃ ଧାର୍ମାନ ଜୀଦାନ ଲେକାନ୍ ନାଲାଇ ନାମେୟା ।

ଇନିବୁ ଆତଃ ଚେନେତାଅ

୧୨ ଏନାତେ ଆପେୟାଃ କା ପେଡେୟାନ୍ ତିଃଇକେ ଆତଃ ଏକ୍ଲାଇଃତାନ ମୁକ୍ତିକେ କେଚେଜେପେ । ୧୩ କା ସେସେନ୍ ଦାଡ଼ିତାନ କାଟା ଆଲକା ଆଡ଼ମଃକା ମେନ୍ଦ ବୁଗିୟଃକା ମେନ୍ତେ ସିଧା ହରାରେ ସେନ୍କାତେକାଏ ।

୧୪ ସବେନ୍କଲଃ ସୁକୁଜୀଉରେ ତାଇନଃ ନାଗେନ୍ତେ ଆତଃ ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ ଚିହ୍ଲେନ୍ପେ, ଚିୟାଃତି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡ଼ିୟା । ୧୫ ଜେତାଏ ପାର୍ମେଶ୍ୱାର୍ଆଃ ସାୟାଦ୍ହେତେ ଆଲକାଏ ରୁହାଡ଼କା, ଏନାମେନ୍ତେ ଚିର୍ଗାଲାକାନ୍ ତାଇନ୍ପେ । ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ବୁଟା ହାରାକରେ, ଏନାରେୟାଃ ମାହୁଁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ । ୧୬ ଜେତାଏ ଆପାଙ୍ଗ୍ କାମିନିଃ ଚାଏ ମିସାଗି ଜମେ ନାଗେନ୍ତେ ଆପ୍ନାଃ ମୁଡ଼କୁଲ୍ରେୟାଃ ଆକ୍ତେୟାର୍କେ ଆଖ୍ରିଙ୍ଗ୍କେଦ୍ ଏଷ୍ଟା ଲେକା କା ଧାର୍ମାନ ଆଲକାଏ ହବାଅଃକା । ୧୭ ତାୟମ୍ତେ ଇନିଃ ଆପୁଡେୟାଃ ଆଶିଷ୍ରେୟାଃ ଆକ୍ତେୟାର୍ ନାମେ ନାଗେନ୍ତେ

* ୧୨:୮ ୧୨:୮ ବେଗାର୍ ଆପୁରେନ୍ ହନ୍

ସାନାଙ୍କକେଦ୍ରେୟ, ଇନିଃ ଗେନା ଆତମ୍ଭାନାଏ, ପୁରାଠଗି ରାଆଠକେଦ୍ରେୟ ଆଇଠକ୍ କାମିକାଦ୍ରେୟାଃ କାଏ ବାଦ୍ଲୀଅ ଦାଡ଼ିୟାନା ।

^{୧୮} ଇସ୍ରାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଠତାନ୍ ସେଙ୍ଗେଲ୍, କୁଲ୍କୁଲ୍ ନୁବାଠ, ହୁରଲୀସି ହୟ, ^{୧୯} ବିଙ୍ଗୁଲ୍ ବାଜା ସାଡ଼ି, କାଜିରେୟାଠ ସାଡ଼ି ଆପେ କାପେ ଆୟୁମ୍ । ଇସ୍ରାଏଲ୍ ହଡ଼କ ଏନ୍ ସାଡ଼ି ଆୟୁମ୍କେଦ୍ରେୟେ, ଆତଠ କାଲେ ଆୟୁମାଠ ମେନ୍ତେ ବିକ୍ରିୟାକ୍, ^{୨୦} ଚିୟାଠି “ଜେତା ଜାଁତୁହଗି ଏନ୍ ବୁରୁକେ ଜୁଟିଦ୍ତାରେ, ଇନିଠକେ ଦିରିତେ ଚିଦ୍ଗି ଗଏଠ ଲାଗାଡ଼ିକ୍ୟାଠି” ମେନ୍ତେ ଆତୁକାନ୍ ତାଇକେନା, ଏନାକେ ଇନ୍କୁ କାକ ସାହାଡ଼ିକ୍ ଦାଡ଼ିକେନା । ^{୨୧} ଏନା ନେଲଠରେ ପୁରାଠ ବରଝାନ୍ଗି ତାଇକେନା ଯେ, ମୁଶା ନାବୀ କାଜିକେଦା, “ଆଇଙ୍ଗ୍ ପୁରାଠଗିଇଙ୍ଗ୍ ବରତାନା ଆତଠ ଏକ୍ଲୀଅଠତାନା ।”

^{୨୨} ମେନ୍ଦ୍ ଆପେ ସିନାଇ ବୁରୁରେ, ଜାନିଦ୍ ପାର୍ମେଶ୍ୱାର୍ଆଠ ନାଗାର୍ ସିର୍ମାରେୟାଠ ଯୀରୁଗାଲେମ୍ତେପେ ହିଜୁଠକାନା, ଅକ୍ତାଠରେଚି କା ଲେକାଦାଡ଼ିୟାଠ ସିର୍ମା ଦୁଁଡ଼କ ହୁଣ୍ଡିୟଠତାନା । ^{୨୩} ପାର୍ମେଶ୍ୱାର୍ଆଠ ଅକନ୍ ମୁଡ଼କୁଲ୍ ହନ୍କଆଠ ନୁଡୁମ୍ ସିର୍ମାରେ ଅଲ୍ୟାକାନା, ଆପେ ଇନ୍କୁଆଠ ରାସକାରେ ହୁଣ୍ଡିନ୍ ନାଗେନ୍ତେପେ ହିଜୁଠକାନା । ପାର୍ମେଶ୍ୱାର୍ ସବେନ୍କଆଠ ବିଚାର୍ନିଠ ତାନିଠ, ଆପେ ଇନିଠତାଠରେ ଆତଠ ପକ୍ତାକାନ୍ ଧାର୍ମାନ୍ ହଡ଼କଆଠ ଆମ୍ବାକତାଠରେପେ ହିଜୁଠକାନା । ^{୨୪} ନାଝା ରାଜିନାମାକେ ଠାହାରାଅକାଦ୍ ଯୀଶୁତାଠରେ ଆତଠ ନେ ହିରଚିୟାକାନ୍ ମାୟୋମ୍ ହେପାଦ୍ରେପେ ହିଜୁଠକାନା । ଏନ୍ ହିରଚିୟାକାନ୍ ମାୟୋମ୍ ହାବିଲ୍ଆଠ ମାୟୋମ୍ଏତେ ପୁରାଠଗି ବୁଗିନାଠ ତାନାଠ ।

^{୨୫} ଏନାତେ ଚିର୍ଗାଲ୍ୟାକାନ୍ ତାଇନ୍ଦେ, ଇନିୟାଠ କାଜିକେ ଆୟୁମ୍ ନାଗେନ୍ତେ ଆଲ୍ପେ ହିଚ୍ଚିଚାଅଆ, ଚିୟାଠି ସିର୍ମାରେୟାଠ କାଜି ଅତେଦିଶ୍ୱମ୍ରେ ଉଦୁବ୍କେଦ୍ନିଠକେ ଅକନ୍କ କାକ ଆୟୁମ୍କିୟା, ଇନ୍କୁ ଜେତାଏ କାକ ବାତାଅୟାନା । ଏନ୍ରେଦ୍, ନାହାଠ ଅକଏଚି ସିର୍ମାରେ ତାଇନ୍କେଦ୍ରେୟେ କାଜିତାନାଏ, ଇନିଠକେ ଆବୁ କାବୁ ମାନାଡ଼ିକ୍ରେୟେ ଚିନାଠ ଆବୁ ବାଞ୍ଚାଝେନ୍ ଦାଡ଼ିୟାବୁ ? ^{୨୬} ଏନ୍

ଦିପିଲିରେ ଇନିୟାଃ ଲାବ୍‌ଜା ଅତେକେ ଏକ୍‌ଲାଅକେଦାଏ, ମେନ୍‌ଦ ନାହାଁଃ ଇନିଃ ବାନାର୍‌ସା ଏମାକାଦାଏ, “ଆଇଙ୍ଗ୍ ଆଡ଼ଃମିସା ଅତେକେ ଏସ୍‌କାର୍ କାହା, ମେନ୍‌ଦ ସିମାକେହ୍ ଏକ୍‌ଲାଅୟାଇଙ୍ଗ୍ ।”
 ୨୭ “ଆଡ଼ଃମିସା” ମେନ୍‌ଡେ କାଜିକେଦ୍ ହରାତେ ଆଟ୍‌କାରଃତାନା ଯେ, ବାଇୟାକାନ୍‌ଡେୟାଃ ସବେନାଃ ଏକ୍‌ଲାଅଃଆ ଆଡ଼ଃ ଆଡ଼ମଃଆ ଆଡ଼ଃ ଅକ୍‌ନାଃ କା ଏକ୍‌ଲାଅଃଆ ଏନା ତାଇନଃଆ ।

୨୮ ଏନାତେ ଆବୁ କା ଏକ୍‌ଲାଅଃ ରାଇଜ୍‌କେବୁ ନାମେତାନ୍ ନାଗେନ୍ତେ ଏଲା ହିଜୁଃପେ, ଆବୁ ପାର୍‌ମେଶ୍‌ବରକେବୁ ଜହାରିୟା ଆଡ଼ଃ ବରଭାକ୍ତିତାନ୍‌ଲଃ ଆୟାଃ ସୁକୁଆନ୍ ହବାଅଃ ଲେକାବୁ ସୁସାରିୟା । ୨୯ ଚିୟାଃଚି ଆବୁଆଃ ପାର୍‌ମେଶ୍‌ବର ଜିୟନେତାନ୍ ସେଙ୍ଗେଲ୍ ତାନିଃ ।

୧୩

ପାର୍‌ମେଶ୍‌ବରକେ ସୁକୁଇଚି

୧ ଖ୍ରୀଷ୍ଟିୟାନ୍ ହାଗା ମିଶିକ ମିହୁଡ୍, ଆଡ଼ଃମିହୁଡ୍‌କେ ଦୁଲାଡ୍‌କାତେକ୍‌ପେ । ୨ ଆପେୟାଃ ଅଡ଼ଃତେ ହିଜୁଃତାନ୍ ହଡ୍‌କକେ ଦାରମ୍‌କ ନାଗେନ୍ତେ ଆଲପେ ରିଡ୍‌ଜ୍‌ୟେଆ । ଚିମିନ୍ ହଡ୍‌କ ନେ'ଲେକା କାମିତାନ୍ ହରାତେ ବେଗାର୍ ସାରିତେ ସିମାରେନ୍ ଦୁଡ୍‌କକେ ଦାରମ୍‌କେଦ୍‌କଆକ । ୩ ଜେହେଲାକାନ୍ ହଡ୍‌କଲଃ ଆପେୟାଚି ଇନ୍‌କୁଲଃ ଜେହେଲାକାନ୍ ଲେକା ଉଡ୍‌ଷୁକେଦ୍‌ତେ ଇନ୍‌କୁକେ ପାହାମ୍‌କୁପେ । ଆପେୟାଚି ହାସା ହଡ୍‌ମରେନ୍ ହଡ୍‌କତାନ୍‌ପେ ମେନ୍‌ଡେ ଆଟ୍‌କାର୍‌ତାନ୍‌ଲଃ ଦୁକୁହାସୁ ନାମେତାନ୍ ହଡ୍‌କକେ ପାହାମ୍‌କୁପେ ।

୪ ଆଣ୍‌ଦିୟଃତେୟାଃ ସବେନ୍‌କ ନାଗେନ୍ତେ ମାଇନାନ୍ ହବାଅଃକା, ଆଡ଼ଃ କଡ଼ା କୁଡ୍‌ ବାରାନ୍‌କିନ୍‌ଗି ପାଡିୟାର୍‌ରଃ ଲେକାକିନ୍ ହବାଅଃକା । ପାର୍‌ମେଶ୍‌ବର ହଡ୍‌ମରାଃ ଏଡ୍‌କାନ୍ ସାନାଙ୍ଗ୍ କାମିତାନ୍ ଆଡ଼ଃ ଆପାଙ୍ଗିର୍ କାମିତାନ୍‌କକେ ବିଚାର୍‌କଆ ।

୫ ଆପେୟାଃ ଜୀଦାନ୍‌ରେ ଟାକା ପାଏସାରାଃ ହାୟାହେତେ ସାଙ୍ଗିନ୍‌ରେ ତାଇନ୍‌ପେ, ଆଡ଼ଃ ଆପେତାଃରେ ଅକ୍‌ନାଃ ମେନାଃ ଇମ୍‌ନାଙ୍ଗ୍‌ରେଗି ସୁକୁକେଦ୍ ତାଇନ୍‌ପେ । ଚିୟାଃଚି ପାର୍‌ମେଶ୍‌ବର କାଜିକେଦାଏ, “ଆଇଙ୍ଗ୍ ଆମ୍‌କେ ଚିଉଲାଅ କାଇଙ୍ଗ୍ ଆଡ଼ଃମେୟା,

ଚି ଚିତ୍ତଲା କାଳକ୍ଷ୍ମୀ ବାଗିନେୟା ।” ^୨ ଏନାତେ ଆବୁ ଜୀଉରେ
କେଟେଦକେଦତେ କାଜି ଦାଡ଼ିୟାବୁ,
“ପ୍ରାଭୁ ଆଇଁୟାଃ ଦେଙ୍ଗାନିଃ ତାନିଃ,
ଆଇଁୟା କାଳକ୍ଷ୍ମୀ ବରଏୟା ।

ହଡ଼ ଆଇଁୟାଃ ଚିନାଃ ରିକା ଦାଡ଼ିୟାଏ ?”

^୩ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍ବନେଶ୍ୱାର୍ଥାଃ
କାଜିକ କାଜିକେଦପେୟା ଏନା ପାହାମେପେ । ଇନ୍‌କୁଆଃ ଜୀଦାନ୍
ଆତଃ ଗନଏଃ ଚିଲ୍‌କା ହବାଲେନା ଏନା ପାହାମ୍ ରୁହାଡ଼େପେ ଆତଃ
ଇନ୍‌କୁଆଃ ବିଶ୍ୱାସକେ ଆପେୟାଃ ଜୀଦାନ୍‌ରେ ଅତକ୍‌ୟେପେ ।
୮ ଯାଶୁ ଶ୍ରୀଷ୍ଟ ହଲା, ତିସିଙ୍ଗ୍, ଆତଃ ଜାନାଅ ଜାନାଅ ଜାକେଦ୍
ମିଦଗି ତାଇନା । ^୯ ରାକାମ୍ ରାକାମ୍ ଏଗାଃ ଇନିତୁତେ ଆପେୟାଃ
ବୁଗିନ୍ ହରା ଆଲକା ଆଦଃକା । ଚିୟାଃଚି ଜମ୍ ନୁଁରେୟାଃ
ନିୟାମ୍ ମାନାତିଙ୍ଗକେଦତେଦ କାହାଗି, ମେନ୍‌ଦ ପାର୍ବନେଶ୍ୱାର୍ଥାଃ
ସାୟାଦତେ ମନ୍‌ସୁରୁଦ୍‌ରେୟାଃ ପେଡ଼େଃ ନାମେତେୟାଃ ବୁଗିନାଃ
ତାନାଃ । ଅକନକ ଜମ୍ ନୁଁରେୟାଃ ନିୟାମ୍ ମାନାତିଙ୍ଗ ତାନାକ,
ଇନ୍‌କୁଆଃ ଜେଡ଼ନାଃ ବୁଗିନାଃ କା ହବାକାନା ।

^{୧୦} ଆବୁଆଃ ମିଆଁଦ୍ ଦାଣେଁ ରାକାବ୍‌ରେୟାଃ ବେଦି ମେନାଃ,
ଏନାରେ ତାଇନାକାନ୍ ଜମେୟାଃ ଜମ୍ ନାଗେନ୍ତେ ଯିହୁଦୀକଆଃ
କୁମ୍ପାରେ ସୁସାରତାନ୍ ଯାଜାକ୍‌କଆଃ ଆକ୍‌ତେୟାର୍ ବାନଃଆ ।
^{୧୧} ଯିହୁଦୀ ମାରାଙ୍ଗ୍ ଯାଜାକ୍ ଜାଁତୁରାଃ ମାୟୋମ୍‌କେ ପାପ୍‌ରେୟାଃ
ଦାଣେଁ ରାକାବ୍ ନାଗେନ୍ତେ ପୁରାଃ ପାବିତାର୍ ଠାୟାଦତେ
ଆଉଇୟା, ମେନ୍‌ଦ ଏନ୍ ଜାଁତୁରାଃ ହଡ଼ମକେ କୁମ୍ପାରେୟାଃ
ବାହାରି ଇଦିକେଦତେ ସେଙ୍ଗେଲ୍‌ରେ ଉରୁବଃଆ । ^{୧୨} ଏନ୍‌ଲେକାଗି
ୟାଶୁହ୍ ଆୟାଃ ମାୟୋମ୍‌ତେ ହଡ଼କକେ ପାପ୍‌ହେତେ ଫାର୍‌ତିକ
ନାଗେନ୍ତେ ନାଗାର୍‌ରେୟାଃ ବାହାରିରେ ଗଏଃୟାନା । ^{୧୩} ଏନାତେ
ଦଲାବୁ, ଆବୁହ୍ ଆୟାଃ ଲେକାଗି ଆବୁକେ ଲାନ୍ଦାବୁତେୟାଃକ
ସାହାତିଙ୍ଗକେଦତେ ନାଗାର୍‌ରେୟାଃ ବାହାରି କୁମ୍ପାତେ ଆୟାଃ
ହେପାଦତେବୁ ସେନା । ^{୧୪} ଚିୟାଃଚି ନେ ଅତେଦିଶ୍ୱମ୍‌ରେ ଆବୁ
ନାଗେନ୍ତେ ସିବେନ୍ ହୁଲାଙ୍ଗ୍ ନାଙ୍ଗ୍ ଜେତା ନାଗାର୍ ବାନଃଆ,
ମେନ୍‌ଦ ଆବୁ ନାଙ୍ଗ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ,

ଏନ୍ ନାଗାରକେବୁ ନେଲ୍‌ହରାତାନା । ୧୫ ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍‌ମେଶ୍‌ବାର୍‌ଆଃ ନୁତୁମ୍‌ରେ ଆବୁଆଃ ସାହାରାଅ ଦାଣ୍ଡେରୁ ରାକାବେୟା । ନେ ଦାଣ୍ଡେ ଆବୁଆଃ ଲାତଡ଼ାତେ ଯୀଶୁକେ “ପ୍ରାଭୁ” ମେନ୍ତେ ମାରାଙ୍ଗ୍‌ଇତାନା । ୧୬ ଏଟାଃକଆଃ ବୁଗିନାଃ କାମି ନାଗେନ୍ତେ ଆତଃ ଇନ୍‌କୁକେ ଦେଙ୍ଗାକ ନାଗେନ୍ତେ ଆଲ୍‌ପେ ରିଡ଼ିଙ୍ଗ୍‌ୟେଆ, ଚିୟାଃଚି ନେ ସବେନାଃଚି ପାର୍‌ମେଶ୍‌ବାର୍‌ଆଃ ସୁକୁଆନ୍ ଦାଣ୍ଡେ ତାନାଃ ।

୧୭ ଆପେୟାଃ ଆଗୁଆଇକଆଃ କାଜି ମାନାତିଙ୍ଗ୍‌ପେ ଆତଃ ଆକଆଃ କାଜି ଆୟୁମେପେ । ଇନ୍‌କୁ ହର ହଡ଼ଲେକା ବେଗାର୍ ରୁଡ଼କେଦ୍‌ତେ ଆପେୟାଃ ଜୀଉକ ହରତାନା, ଚିୟାଃଚି ଇନ୍‌କୁକେ ପାର୍‌ମେଶ୍‌ବାର୍‌ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାତିଙ୍ଗ୍‌ୟାଃ । ଆପେ ଇନ୍‌କୁକେ ମାନାତିଙ୍ଗ୍‌କରେଦ୍, ଇନ୍‌କୁ ସୁକୁମନ୍‌ତେ ଆକଆଃ କାମିକ କାମିୟା, ମେନ୍‌ଦ୍ ଆପେ କାପେୟାଃରେଦ୍, ଇନ୍‌କୁ ଦୁକୁ ମନ୍‌ତେକ କାମିୟା, ଆତଃ ଏନାରେ ଆପେୟାଃ ନାଙ୍ଗ୍ ଜେତାନ୍ ବୁଗିନାଃ କା ହବାଅଆ ।

୧୮ ଆଲେ ନାଗେନ୍ତେ ବିକ୍ରିକାତେପେ । ଆଲେୟାଃ ବିବେକ୍ ନିରାଲ୍‌ଗିୟା, ଏନା ସାର୍‌ତି ତାନାଃ, ଚିୟାଃଚି ଆଲେ ସବେନ୍ ଇମ୍‌ତା ବୁଗିନ୍ ଚାଇଲ୍ ଚାଲାନ୍ ରିକା ନାଗେନ୍ତେଲେ ସାନାଙ୍ଗ୍ ତାନା । ୧୯ ଆତଃ ପାର୍‌ମେଶ୍‌ବାର୍ ଆଇଙ୍ଗ୍‌କେ ଆପେତାଃତେ ଜାଲ୍‌ଦିଗି କୁଲ୍‌ତାଇଙ୍ଗ୍‌କା ମେନ୍ତେ ବିକ୍ରିପେ । ଆଇଙ୍ଗ୍ ନେଆଁ ଆପେତାଃରେ ଆଇୟାଃ ମନ୍‌ସୁରୁଦ୍‌ତେଇଙ୍ଗ୍ ବିକ୍ରିତାନା ।

ଚୁଣ୍ଟୁ ବିକ୍ରି

୨୦ ଅକଏଚି ଆୟାଃ ଗନଏଃ ହରାତେ ମିଣ୍ଟିକଆଃ ମାରାଙ୍ଗ୍ ମିଣ୍ଟିଗୁପିନିଃ ହବାକାନାଏ, ଆବୁଆଃ ଜୀଉସୁକୁ ଏମଃନିଃ ପାର୍‌ମେଶ୍‌ବାର୍ ଏନ୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ । ଏନ୍ ଯୀଶୁଆଃ ଗନଏଃରେୟାଃ ମାୟୋମ୍‌ତେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରାଃ ମୋହର୍ ଏମାକାନା । ୨୧ ଜୀଉସୁକୁ ଏମଃନିଃ ପାର୍‌ମେଶ୍‌ବାର୍, ଆୟାଃ ସାନାଙ୍ଗ୍ ଲେକା କାମି ନାଗେନ୍ତେ ଆପେକେ ଆପେୟାଃ ଲାଗାତିଙ୍ଗ୍ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆତଃ ଯୀଶୁ ଖ୍ରୀଷ୍ଟ୍‌ଆଃ ହରାତେ

ଆରୁଆଃ ଜୀବନ୍ରେ ଇନ୍ଦିୟାଃ ସୁକୁଆନ୍ କାମିକ ହବାଅଃକା । ଆତଃ
ଜାନାଅ ଜାନାଅ ଶ୍ରୀଷ୍ଟିଆଃ ମାନାରାଜ୍ ହବାଅଃକା ! ଆମେନ୍ ।

ରୁଣ୍ଡ କାଜି

^{୨୨} ହେ ହାଗା ମିଶିକ, ଆଇଜ୍ ବିକ୍ରିପେ ତାନାଇଜ୍, ଆଇଁୟାଃ ନେ
ହୁଡ଼ିଜ୍ ଲେକାନ୍ ଅନଲ୍ କାଜିକେ ଧ୍ୟାନ୍ ଏମ୍‌କେଡ୍‌ତେ ଆୟୁମେପେ
। ଆଇଜ୍ ଆପେକେ ଜୀଉରେ ରାସ୍‌କାପେ ନାଗେନ୍ତେ ନେଆଁଇଜ୍
ଅଲ୍‌କାଦା । ^{୨୩} ଆପେ ସାରିପେ ମେନ୍ତେଇଜ୍ ସାନାଜ୍‌ତାନା ଯେ,
ଆରୁଆଃ ହାଗା ତୀମଥ୍ ଜେହେଲ୍‌ହେତେ ଅଡ଼ଜ୍‌ଆଁକାନା, ଇନ୍ଦିଃ
ଜାଲ୍‌ଦି ହିଜୁଃରେଦ, ଆଇଜ୍ ଆୟାଃଲଃ ମିସାତେ ଆପେତାଃତେ
ନେପେଲ୍ ନାଗେନ୍ତେଇଜ୍ ହିଜୁଃଆ ।

^{୨୪} ଆପେୟାଃ ସବେନ୍ ଆଗୁଆଇକକେ ଆତଃ ପାର୍‌ମେଶ୍‌ବାର୍‌ଆଃ
ହଡ଼କକେ ଆଲେୟାଃ ଜହାର୍ ଉଦୁବାକପେ । ଇଗାଲି ଦିଶୁମ୍‌ହେତେ
ହିଜୁଃକାନ୍ ହାଗାକ ଆପେକେହଗି ଜହାର୍ ମେନ୍ତେକ କାଜିକୁଲେତାନା
।

^{୨୫} ପାର୍‌ମେଶ୍‌ବାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ପାରମେଶ୍ଵାରଥାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଥାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଥାଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6